



2

澁

翠

樓

言

出
集



朱氏銀槎閣藏板

吾觀詩三百篇首述后妃之化自葛覃卷耳以至
諸侯大夫之夫人下逮閭巷之間游女思婦觀草
木之變衰聆禽蟲之音籟觸物感事往往寫之於
詩要以始乎情卒乎禮義故孔子有取焉至於後
世乃謂女子之所職者在於箴紉綦組中饋酒食
之事而已詩非其所有事也然自漢唐以來如班
昭左嬪蘇蕙宋照之倫振華落藻芬芳翰簡者指
不勝屈昔鍾嶸詩品序云漢李陵始有五言之目
王揚枚馬之徒詞賦競爽吟詠靡聞從李都尉訖
班婕妤將百年間有婦人焉一人而已孰謂巾幗

序

一

之流無與於文章之事哉吾鄉有王夫人蘭韞者
督學王長源先生之長女也先生學府文宗世推
括匠四子三女竝擅才華夫人生自高門嬪於名
族姿性朗悟習禮明詩經史百家之書靡不觀覽
誦記常與諸弟妹分題鬪韻互相師友中歲婺居
生產寥落女工之暇耽習篇章類多言愁之作其
中表女姑清河君亦閨房之秀也夫人與之相得
甚驩唱酬往復如壘箎之應和性好山水嘗因事
一至維揚三過武林晚年偕其仲弟憲尹太守之
官越州覽鏡湖秦望之奇而詩益進夫閨閣之能

詩者間或有之大都鬪葉儷花施朱和粉短章小
言嫵媚斌媚而已夫人則琬琰爲心綺繡成質長
律或至千言古體輒成數十韻吐屬風華氣體清
拔學富而才長采高而音亮即文人學士此境未
詣況閨閣乎觀其寄興遙深措詞雅正真有合於
二南國風禮義之訓而非後世玉臺之篇香奩之
詠纖妍柔曼者所可同日而語也憲尹將刻其伯
姊之詩問世而屬予序之予故爲識其簡首世有
評詩如鍾仲偉其人者其必以爲百年所未有也
夫

序

康熙戊子秋七月東江唐孫華頓首拜撰

凝翠樓集卷一

太原王

慧蘭韻

移居茜里舊宅

新塘一水遶街東舊是柴桑五畝宮
松菊尚存思祖德蓬蒿不翦見家風
花深雞犬疎籬外潮落魚蝦小市中
却愛堂前雙燕子還尋故壘入簾櫳

送妹入城

弱齡宜聚首何事早分襟
百里相牽夢孤舟獨去心
嫩寒春袖薄細雨夜燈深
惡說來朝別丁寧淚不禁

落花

凝翠樓集卷一

香塵十里路悠悠雨過紛飛已滿頭
墮處定含新怨恨舞時不減舊風流
園蜂撩玉偏隨水簾燕啣紅
却上鈞春色自來如過隙倚闌憔悴不勝愁

初夏

池塘夢醒遶鳴蛙紈扇新裁向碧紗
曉日燕歸營壘急晚風蛛戲蕩絲斜
竹抽嫩粉拋殘籜草展芳茵
襯落花更愛流鶯聲度處參差煙柳遍人家

秋夜

夜色娟娟入清風細細過月痕
穿牖小星影渡雲

多萬里烽煙靜千家砧杵和曲欄閒倚處蕭瑟奈
愁何

外大父齋賞菊

東籬高士興偏長種得黃華舊草堂老圃遲遲榮
晚節小窻密密占秋光燭搖素壁嬾娟影風過重
簾冷澹香一盞花神先酌罷更呼促坐共傳觴

將歸虞山畱別弟妹

春回莫羨薄寒天相聚良辰聽管絃燈火正從今
夜盛時當元夕布帆無奈俗情牽愁心故里梅如雪別
思芳塘草似煙惆悵扁舟來又去數聲歸雁唳雲

凝翠樓集卷一

二

邊

有感

明月圓還缺人心豈保常綠綺聲未絕白頭吟已
傷新人如花復如玉舊人掩袂空啼哭玉自光明
花自香風流千種看不足春去秋來君意更蛾眉
空自解含情今朝棄擲同塵土昔日承恩掌上珍
君心料得生離別可憐形影成吳越閨中咫尺有
波濤何事獨悲青塚月

辛丑季春家慈自楚抱病東歸予同弟妹

迎候不值夜泊惠山遇雨次妹韻

江天漠漠雨淒淒楚樹雲遮望欲迷酒旆濕露花
外郭漁燈寒聚柳邊堤愁添野寺鐘聲早夢遠親
幃燭影低寂寞孤舟空水宿亂煙深處有烏啼

渡揚子江值風雨大作

海門風急樹蕭蕭柔櫓輕舟逐浪飄瓜步烟深如
瘴黑建康山斷似雲消懸知水窟蛟龍怒敢恨天
關虎豹驕時家君以牽染急微
擬候于維揚一見客裏驚魂渾未定夜闌燈

火到河橋

維揚旅夜同二弟

蕪城旅館歎淹留入夜淒清擊柝幽舊國山川難

凝翠樓集卷一

三

問古他鄉風雨易驚秋無多藥裏同生計時當藥肆中
主人甚負不盡燈花似客愁天外衡陽音信斷怕聽征雁過
江頭

登金山

中流浮一柱金刹晃禪林隔岸看疑小入山方見
深江光搖殿壁檣影出蘿陰忽聽鐘聲發飄然世
外心

石磴行相引亭臺豁水天客捫廊壁篆僧募佛燈
錢鶴勢盤晴塔龍腥避壑泉晚歸雙槳急清磬落

漁船

再泊惠山有感

扁舟還挂布帆輕，欸乃吳歌到耳驚。
煙鎖山城孤塔迥，樹遮茅屋一燈明。
天涯涕淚元無定，客路風波總不平。
陳迹依稀同昔夢，石間休訪舊題名。

壬寅春初家大人歸自都門志喜二首

連朝乾鵲噪柴扉，早放金雞願不違。
秉燭羌邛疑若夢，候門栗里喜真歸。
吾生憂患知多少，人世榮華有是非。
歷盡畏途雙鬢在，從今安穩釣魚磯。

昨秋別淚灑江邊，望斷孤雲悵各天。
容易風霜歸臘後，依然兒女話燈前。
解包笑索餘鉛黛，垂橐羞

凝翠樓集卷一

四

看剩俸錢祇痛不春堂，北草音容一隔遂窮泉。

秋初招兩弟過舍

鴟夷瓶盎枉譏譏，臧穀何須論是非。
世上人情皆幻影，醉中滋味自天機。
湯言書信疎相候，惟望軒車過莫稀。
尊酒已開期必至，待將明月送君歸。

咏庭前老桂

搖落空庭碧葉稀，根株那惜是仙枝。
形慚八樹風霜裏，腸斷三秋夜雨時。
偃蹇祇宜猿鶴伴，幽芬不與燕鶯期。
一從謫去瑤臺後，月戶雲牕折對誰。

春日憲尹弟過家園即景留題次和三首

一灣流水映柴扉門外天低碧四圍新綠雨餘看
漸密落紅風過覺還稀聲來樹底流鶯度香動花
稍乳燕飛爲囑茶縻好珍惜莫教開盡放春歸

絲絲楊柳逐門斜綠盡長條集暮鴉纔過輕雷收
筍箬旋斟新水試茶芽苔痕翠點全飄莢簾影香

浮半落花盡日松關長不啓

園有佛閣

小池閒聽有鳴

蛙

曲徑苔封人跡疎弄晴啼鳥是春初蕭蕭竹影遮
紅藥細細波紋映碧魚醉月閒時聊覓句焚香靜
裏只攤書黃昏門掩鐘聲寂落盡梅花鶴夢虛

凝翠樓集卷二

五

憶昔十首 有引

憶昔詩者乃余所憶幼時事也當吾母在日
膝下嬌痴同諸弟妹或花前拈韻或月下聯
吟一言有合吾母必獎借勸勉故春朝秋夕
未嘗虛度無何歲在丙申余遠適琴川樂事
減去大半吾母嘗泛舟相探余之妯娌無不
敬慕則吾母之風範可知矣爲其兒女豈不
幸歟迨歸則弟妹歡相迎勞喜何可言嗣後
家嚴遠宦楚中迎母之任余送之澣墅停舟
夜話血淚幾枯嗚呼豈意江頭一別遂成永

訣興言及此寧不痛哉後雖故里時歸無復
當年佳境見梅花而增感對浩月以傷懷觸
目警心皆爲慘況重思昔日悲嘆何如因賦
近體十章聊記舊事百一良更或然
憶昔樓頭春晝遲東風先到海棠枝最憐乍放深
紅日却惜殘粧淡粉時碧蘚侵堦催埽石絳紗籠
燭照題詩只今零落華清夢惟有梧桐帶雨敲
憶昔園林春正芳小桃隔水露新粧冰絃細和鶯
喉滑羅袂低迷蝶翅狂竹裏敲棋聲若碎花間分
韻向猶香何當轉眼韶華異寂寞池塘草自長

凝翠樓集卷一

六

憶昔觀濤東海遙平沙蘆荻晚蕭蕭孤城日落嗚
哀角斷岸雲低捲怒潮遠處帆檣如駛疾望中煙
樹似嵐銷一從武帳嚴刁斗野燒荒原夜寂寥
憶昔春遊風日恬柳絲斜漾綠纖纖擬牽蘿萬愁
枝蔓欲折荼蘼怕刺尖賭却金釵頭上拔羸來采
色坐中拈小鬟似亦知人意拾得名花暗裏添
憶昔嬉春正少年玉山登陟鬪身便危梯獨瞰千
尋地絕壁爭穿一罅天洞裏清泉流石骨雲邊孤
塔挂松顛同遊別後今誰健暗數東風已惘然
憶昔寒梅映水亭暗香微鎖淡煙青苔侵古幹盤

虬尾月照繁枝隨鶴翎樺燭移時珠作幕綺窗開
處玉爲屏年來云鳳無消息瘦影橫斜倚碧汀
憶昔家園楔板辰名花種出洛陽真新粧濃艷偏
含露媚影歌斜恰弄春雁柱箏彈銀甲小蝦頭杯
泛玉醅醇暖風香雨今何在零落臙脂委路塵

憶昔歸寧泛棹行河橋燈火恰相迎綺窗月照金
尊煖繡闥簾開盡燭明密語叙情憐弱妹真心有
喜見孩嬰何當人去粧樓閉柳外惟聞囀暮鶯
憶昔情因愛女牽片帆相過重畱連玉顏和藹傍
人喜紅淚輕拋爲我憐寶閣香清留綵筆

曾撰佛樓頌記錦

雙翠樓集卷二

船
襦春暖擁新綿堪嗟今日堤邊望安得垂楊再繫

憶昔辭親虎阜東寒江煙月正朦朧淚淹紅袖傷
離日愁在黃昏細語中欲別忍看慈母去相憐還
挈稚兒同母攜平兒之任當時祇痛三年隔夢幻誰知一瞬

空

歸舟

溪灣十里泛荷錢梅雨新添恰放船橋貫斷崖通
野渡樹藏茅屋見炊煙田歌遠近平蕪外漁網參
差落照邊最喜晚來天色霽一尊文酒話燈前

聞歌
一縷清歌出絳紗
紫薇風動隔簾花
中年哀樂多
如許絲竹東山屬謝家

秋夜不寐
新月娟娟照瑣牕
碧天如水浸銀牀
生憎蟋蟀傳
秋信喚起愁心漏更長
小金雀香出木上
城南別業桂花盛
開家夫人同諸弟過賞

賦詩次韻奉和
青蕪滿野微徑通
樹影遙分景鬱蔥
中有茅堂遶
叢桂開時盡日香
濛濛金粟飄
永落臺榭行人墻

凝翠樓集卷一

八

外聞蘭麝歌管聲清逸
興豪笑看明月花陰下
開筵歡飲聚親朋
花氣氤氳眼欲瞢
只恐素蛾霜佩冷
伴寒還點絳紗燈
夜闌相對殷勤語
如此良宵勿輕去
幸教有酒瀉尊罌
莫笑無肴供匕箸
到晚天香分外馨
籬邊空吠小金鈴
香沾衣上初飄點
露濕枝頭隋幾星
秋來春去每流連
景物推移劇可憐
沈吟欲折花枝看
待得重開又一年

夏日曉起即事

翠幕紅闌浥露明
坐來幽鳥奏新聲
花將朱槿連娟發
草雜青苔次第生
出水圓荷香汗重
受風小

燕舞腰輕年來故里知非舊簾影空極竹樹清
惆悵分飛雁影遙錦峰面泛蘭橈細收山色供
詩本盡挽湖波作酒瓢孤嶺有梅尋舊宅六陵無
樹認前朝月明又值萼鱸節知醉西泠第幾橋
皓魄初昇一鏡懸煙林如畫遠峰連誰家搗練敲
砧冷何處吹簫咽玉圓花萼夢迴珠露重桂香清
沁晚風傳幾回獨把闌干倚細憶前秋唱和篇
三春對歸妻偶占答諸弟

凝簾樓集卷二

九

三春懷抱恨偏稠寂寞鶯花不我留別去新篁纔
解籜重來芳草欲過頭河邊恰喜迎歸棹花下應
思繼舊遊詩酒莫虛明月夜桂叢香發又逢秋

中秋桂花初放值雨感而賦之

濕雲初捲雨乍歇樹頂朦朧見新月開牕正憶未
歸身忽聞小桂馨香發因思去歲城南居花下筵
開度曲遲絃索聲調銀管細錦箋分韻賦新詩何
當轉眼時光去渺渺雲山踪跡異一夕萼鱸動客
思釣磯已把歸橈繫時大人浙歸聞之即便買舟行好向
花前作主人攜得綠醅香自透帶來氣蟹味偏新

呼童芟盡池邊草，庭院香風已繚繞。秋色依然金粟堆，不堪夜雨催花早。青女含愁泣素絲，淋鈴如夢蜀山時。飄殘窗竹疎枝亂，滴碎庭梧落葉稀。聽此嘈嘈眠不得，午夜挑燈長嘆息。安得羲和回轡來，爲我喚出扶桑日。景嶽我招三弟時，曾教主人對酒醉。纔知坐臥古初開，小徑有香迎不見。柴門剝啄聲爲代，花神重致語，必須蠟屐趁新晴。

中秋後五日即席和家夫人韻

凝翠樓集卷二

十

正遠露凝寒蕊色，還鮮花前酒興濃。偏好雨後秋光淡，亦妍刻燭分題良。夜永月輪莫，隋隔溪烟。

花下燕集戲題長句

城南落日綠滿田，柴門恰與青蕪連。歸霞返照霽景鮮，丹楓黃櫨相爭妍。主人擁榻愁難眠，坐聽古樹吟秋蟬。桂屋風來影亂翩，恍如瓊宇逢癯仙。笑傾美酒雙玉船，數枝清香拂几筵。捲簾試向金鈎懸，起看明月來牕前。侍兒花底調冰弦，一彈再鼓聲綿綿。露寒隋藥粘珠鈿，人面恰可欺紅蓮。更長燭滅兔魄圓，花霧羃羃輕於烟。却思分韻擘錦箋。

揮毫落紙孰後先醉筆糝糊醉語傳嫦娥應笑人
如癩急吹活火分新泉博爐石銚親烹煎夜涼風
露且莫旋明朝擬復到花邊想秋夜夢同先慈賦詩得天上桃花之句覺
太華峰頭見上真霞衣綽約是前身海中若木何
嘗夜天上桃花不記春瞬息去來皆是幻片時歡
笑亦相親鐘聲已碎昆明劫好向毘伽問後因

荒邨十月草如焚

有幾農家打稻新做得米來兒

盤樓集卷一

十一

莫喜門前排坐索逋人

冬月方思收稻租預徵早過半年多除完官課存

無幾不勾償還子母科

火符截票急如星日日公堂鞭朴聲欲納愁無點

金術驚魂不定到天明

一夜受他辱罵送他銀

少婦機中夜弗眠織成匹布貯牀前追胥船下須

東道準折憎嫌不值錢

閨門巨舶盡糧儲醉酒攤錢自在娛米豈棉花賤

如土農家一粒似真珠
朝來風刮雨綿綿兒女啼
飢滿膝前可怪又非寒
食節竈中三日已無煙
文章無用休言價阿堵
當權實有神祭戰門墻
淪落盡輕裘肥馬是何人
頻年息意故園薇
又指東華理客衣
自是周顛家累重
不容何點宦情微
羊腸早歷途仍險
雞肋曾嘗味本稀
人事艱難相促迫
初心莫歎出山違
故里鶯花恰送行
戒塗行李一囊輕
音書祇盼青

蠶樓集卷一

十一

縞綰霜露休催白髮生
詩酒襟懷多曠達
文章交道有逢迎
加餐好護春風厲
時自殷勤囑去倅

春日過韞玉妹新居十六韻

細草開新徑
修篁拂短墻
連雲甲第壯
斜月瑣窗涼
水宿雙鴛鷺
桐垂小鳳凰
攀藤躋石磴
隨路轉山房
密輕烟合橋
低淺洞藏花
陰依略約竹
色捲瀟湘
話雨清尊煖
裁詩綵筆芳
風懷看綠柳
愁緒比黃楊
紈扇三春月
絳琴五夜霜
玉枰宵賭子
石鼎晝焚香
不語慵分韻
低鬟倦理粧
飯抄雲母
細句付雪兒
忙綉閣
新來往金閨
舊韻頰猶堪陪

笑語莫問改滄桑握手心先醉論文喜欲狂長歌
表情悽詞畀意難量

喜弘導弟見過重用憲尹韻三首

剝啄聲聲爲啓扉到來榆柳已成圍相看夜月愁
仍破莫嘆春江信每稀竹塢花深留蝶舞藥欄香
暖遲鶯飛窗前又得重吟咏忍放林間宇喚歸
短籬曲徑傍溪斜遠樹朦朧噪晚鴉墻角紅殘桃
結子石盆青淺菊分芽樓高每倩山爲畫地僻多
栽竹當花轉眼春光看欲盡落英新水又跳蛙

細雨如絲柳影疎杏花樓閣捲簾初新泥啄處還
巢燕細草分來且飼魚興愜偶題隨意筆家貧常
乏稱心書賣錫天氣渾如醉遲日薰風莫放虛

三月十五日同二弟泊舟澱橋二十韻

山嵐浮暮靄野水漾晴坡帆趁斜風便舟移遠岸
迤杏花都掩屋楊柳半垂河霧氣連峰頂煙光繞
澗阿粉香沾草木金碧耀藤蘿翠幕茶寮煖紅欄
酒旆多燈圍珠錯落屏簇錦盤陀汗細揮紈扇塵
輕曳綺羅靚粧俱粉靨掃黛盡青蛾溪女籃輿載
吳姬細馬馱盈盈堪妬影的的會凌波挂紙聊停
石攜壺好藉莎有心速遊冶何意向檀那水面星

橋滿山腰月駕過長堤人似蟻盡舫酒如鷺檀板
低聲緩瑤箏促調和佳人傳軟語狂客發清歌煖
氣妨花醉喧聲混曲訛扣舷還欲和歌枕旋聞詞
翰與垂綸叟滄江臥綠簑

春居即景

桑柘陰濃百舌啼滿庭芳草綠茸低桃花紅釀蜂
鬚蜜柳絮香沾燕背泥標寫竹籤爲酒券校量菊
譜傳詩題夢餘一榻茶烟細簾幙風輕日又西

雨況

蕭瑟如秋欲斷魂一籬寒雨晝闌門窺入小鳥低

凝翠樓集卷一

十四

枝立喚夢新鶯隔葉喧柳絮飛殘青滿徑荳花零
亂綠圍邨主人應諱炊烟絕自拾枯藤煮菜根

看菜花同弘導憲尹奕文即席拈得屋字

花信幾番歸去速錦塘過雨紅簌簌隔岸炊煙幾
縷斜風吹麥浪翻輕縠柴門恰比南山下菜圃蔬
畦課童僕正值深黃花發時天氣清和開繞屋弄
晴嫩色欲浮動氎露清香更濃郁主人何事歎貧
窶滿地紛紛布金粟似此風前吐蓓蕾何異天邊
散薈蔔蜂撩蝶採更顛狂一種芳菲玩不足呼童
就地列樽酒落英紅襯瓊瑜幅已教煮豈軟如酥

旋看燒笋白于玉麴塵颺煖屐齒粘蠟瓣留春扇
頭掬從來名園盛百卉轉眼春風兔葵綠劉郎前
度還重到惟有此花開滿目因知天艷不長在若
譜羣芳此應獨長歌醉寫墨淋漓無暇堆敲較重
複綠陰倒映晚霞明滿眼晶瑩淨如沐行人柳外
問沽酒杏花深處青旗矗錦鞵歸趁夕陽低樹裏
聲聲催布穀

初夏過張羽卿表姑邨居即景

爲聽啼鶯到渡頭望中烟靄夕陽收棠梨謝後猶
花信櫻筍過時已麥秋曉送殘春紅袖濕夜吟明
月翠蛾愁臨岐柳色深如許切莫凝粧上畫樓

凝翠樓集卷二

五

端午日再晤羽卿見贈長句賦酬

麴賓時屆天中節競渡鳧車亂如雪畫舫簾開粉
面紅輕紗艾虎香風熱君家何事獨耽幽花竹蕭
疎淨若秋書窗點綴新時景自汲清泉插火榴我
亦邨居了無事挈伴探奇過橋去萬綠叢中一徑
微柴門斜掩藤花墜扣關喜見主人迎一笑風前
最有情旋撥竹爐吹活火石銚泉响松風鳴開函
更出新詩句字字珠璣散花雨林下芳名獨擅奇
閨中錦字應輸步皓如水雪燦如花自是仙家萼

綠華吸露餐雲清可掬定由詩骨帶煙霞慚余鄙
陋何堪錄反辱驪珠引魚目久已低眉拜後塵從
茲不敢汙箋牘日色斜啣欲別難一番微雨弄輕
寒歸來燈下重開卷添得爐香仔細看藏拙恐違
知己意續貂又愧心先醉強將蕪語達幽情嘲笑
從君無所避

病中聞羽卿抱恙詩以訊之

病裏懷人托素翰相憐情緒欲書難蓮花香好心
還苦梅子仁堅味更酸一榻松風驚入幕半簾蕉
雨怯憑欄月明轉眼新秋至珍重粧前爲勸餐

凝翠樓集卷

六

七夕立秋偕羽卿作

乍陳瓜果上樓頭一葉輕飛恰報秋天放涼颼初
薦爽人逢令節暫忘愁香篝衣覆煙生縷繡閣簾
開月上鈎遙想滿庭花露重揮毫綵筆自清幽
殘暑初收夜簟清井梧露濕影縱橫香深庭院穿
針會月滿關山搥練聲金合牽絲誇得巧銅壺催
漏記分更雲鬢小女嬌憨甚愛摘猩紅染指明
八月十三夜訪羽卿月下畱飲須臾雨作

悵然辭別

西風涼露下菰蒲暝色低垂近有無野水浮萍輕

棹穩斷橋眠柳亂藤扶人來曲徑迷深綠火透疎
林見小朱滿樹秋聲啼絡緯隔籬鈴响吠韓盧欣
逢翠袖顏如玉笑疊瓊箋句似珠破睡祇應分茗
荈劇談何必爨樵蘇詩題蕉葉因風擘酒趁梨花
帶月沾侍女夜闌扶薄醉幽人山館坐清娛傳情
解罷金條脫惜別敲殘玉唾壺此夕煙霞憐獨鶴
他年雲水記雙鳧

羽卿志慕出家
坐間談及故云

恰思話舊燈頻翦無

那催歸雨欲濡相送柴門情更切前邨一望已模糊

秋杪羽卿將移居入城不勝別思寄贈三

疑蠶樓集卷一

七

首

碧天雁影度雲高寂寞柴門野色饒幾處溪山空
薜荔一秋風雨在芭蕉樽前較句何辭倦醉後談
禪不用驕爲問蕭蕭堤畔柳春來誰繫木蘭橈

一灣疎竹抱溪迴溪水淒清咽釣臺夜月茆齋驚
客至春風柳徑待鶯來蠟流紅淚心還熱篆少青
煙性已灰他日剡溪重過棹雪中惟有欲開梅

秋風相對晚香微銀燭光殘話別時玉鏡良緣紅
葉在青山靜侶白雲知書當快意誰堪賞語到忘
機莫諱痴已向昆明逃劫火好栽梧葉報新詞

羽卿見過留韻辟間即次奉酬

夜月輕舟共載還白雲紅樹正堪攀伴吟未可居
無竹避俗猶貪屋有山梧葉聲寒蟬響歇菊花香
淡鶴心閒僻間題罷懷人句重剔銀燈照醉顏
霜入楓林欲變容小橋流水荻花中酒攜盡舫初
乘月燈隔重簾不避風別後音書休錯誤醉來詩
句任雷同沾泥已悟禪心定一任流光逐轉蓬

過送羽卿分賦

用屋北鹿
獨宿為韻

春中感別書向

疎林烟鎖雲藏屋塞雁聲來大江北欲證禪心寄
木魚已參世味同蕉鹿蓬窗短竹自蕭然明月寒

蠶樓集卷一

六

花伴幽獨一棹歸途更憶君香殘燭暗應將宿

春夜同弟妹夜話用牧翁中秋雜感韻

節序催時取次過柳顰花怨奈春何感懷事向樽
前少罵世言從醉後多窮欲書空愁及我饑難煮
字笑由他狂流既倒誰堪挽敢向人前說障河
挑燈不覺漏聲過茶熟香清更幾何會計金錢甘
讓少品題花月僭居多驚人麗向應輸爾製錦靈
心敢竝他莫道疎慵無一事還從淨業覓恒河

一番花事莫輕過良夜其如酒盡何入籠獼猴馴
性少訴寒鷓鴣怨聲多蠶思作繭誰縈汝鼠怕拖

腸莫笑他還憶深閨知已伴迢迢烟水隔銀河春
風搖燭影暗蛩過起探寒梅信若何蜀紙慣將糊
局用彩毫剩與畫眉多棲枝倦鶻誰憐汝調舌新
鶯孰解他茗椀詩籤消永夜不將談口鬪懸河
嘗恐春光瞥眼過笑談休問夜如何穢身殘錦知
偏少鷄肋餘脂羨每多名利場中焉用彼烟波世
外欲從他無才苦效寒蛩語任汝詞源倒峽河
竹林殘雪正漫漫欲探幽芳興未闌妝閣月來窺
影瘦畫簾風過怯香寒催春鼓之花奴奏消夜詞

盤樓集卷一

教侍女彈銀燭不須連夜藝橫斜好待水邊看

寄懷羽卿用東坡有懷錢塘韻五首

穩覓桃源寄此身漸看芳草又逢春冲寒欲貫墟
頭酒留客先尋澗底芹夜冷恐迴乘雪舫月明時
憶探梅人垂垂花發簾鉤外擬設清樽遲野民
柳色青青絮欲飛眼前好景莫相違慣尋曉綠鶯
先覺不忘春紅燕已歸跡寄鶯籠人更幻夢回蟻
穴事應非眉山筆札風流在慧業真傳石上衣

羽卿

好讀
蘇詩

樹杪初占第一風竹芽潛迸覺泥融啼鶯掠燕春

誰主擘柳吹花天自公弱鬢曉粧宜貼翠薄羅新
試恰裁紅何時重續雙柑會醉後看題戲海鴻
已看紅紫鬪春酣尚有殘梅出短簷花結珠龕供
大士香添佛火伴楞嚴黃乾鳥舌猶調澁紅濕蜂
鬚已釀甜好證禪機拋俗慮此心不為世情粘
蝸殼餘津祇自濡敢同甕社照林珠折來梅隴花
多少賺去桃源路有無飢欲擇人憎罔兩飽謀撐
腹羨侏儒水邊舟楫山邊屐相狎禽魚任笑迂
湘簾斜捲遠山高月照香閨麗景饒好事有緣潘

凝樓集卷一

三

令果舊遊無據鄭人蕉銀缸夜燦情初定綉帳春
融夢亦驕十里琴川衣帶水為誰催送木蘭橈

金堂畫棟燕雙迴綺閣春生玉鏡臺石上麗英鸞

自駐

張麗英事
見列仙傳

月中蕭史鳳還來香篝焰冷更新火

蠟炬光殘認劫灰已分護花原有主不須惆悵雪

間梅

碧樹陰濃鎖翠微春風小戲咒桃時伽陵鳥是同
心好優鉢花輸竝蒂知披卷定名原有眼抱橋留
信亦還痴秋來定叶熊羆夢好翦新桐寫賀詞

人日同諸妯娒小飲

東風乍入鳥聲驕勝侶相於樂事饒綵勝共看釵
後重銀幡誰傍髻邊飄破紅凍蕊開粧靨放綠垂
楊鬪舞腰恐向尊前負佳日共傾蕉葉酌春宵
韞玉妹有恙詩以詢之

春來何事損眠餐尺素裁成欲慰難意興每從青
鬢改情懷只向翠睂看曉涼譜繡金針懶夜靜分
題玉燭殘料得深閨香篆煖一簾飛絮閉輕寒

凝翠樓集卷二

讀蕉隱居詩集寄贈黃夫人湘珮四首

清芬翰墨久知聞綺閣才高迥出羣書近衣篝蟬
欲退香消綈几鶴還分閒中賦藻依明月愁裏詩
情到碧雲風氣舊傳林下秀不須錦字寫回文

小閒庭院理琴書拂拭丹鉛遍五車骨帶煙霞常
自在氣無脂粉恰先除衛家筆法花相似謝女詩
才雪不如夫婦鹿門雙隱跡南隣待小野人居

綠窻朱卷共芳時簾幙春風晝欲垂閒把花枝翻
小令愛將桃葉譜新詞藥爐香滅空啼眼硯匣螺
添待畫睂贏得無雙才子譽一絨柔翰費吟思

茶香蘭氣午窗深，短夢初回懶卸簪。
冰絮風流真似昔，看花伴侶只如今。
紅蕉舊隱逃秦劫，綠綺新聲激楚音。
廿載香奩推領袖，湘琴紈扇好追尋。

不配詩 偶作

世事難言似覆棋，窮愁計拙祇幽棲。
無憑幻跡蕉藏鹿，有證禪心絮染泥。
抱繭空悲蠶自縛，赴燈應笑蠅何迷。
胡麻已逐流波去，空向桃源問舊溪。

香奩詩也惜而賦之

朔風敗紙透茅茨，瞥見冬郎舊麗詞。
爲惜殘膏暗狼籍，自將衫袖拂蛛絲。

重九懷羽卿

堦前墜黃葉，肅肅報秋至。同臨月下人，睽違歲已二。
非緣踪跡疎，各有室家累。登高時引領，遙山洗空翠。
晤言良覺難，幸有詩可寄。抽毫叙昔游，况復佳辰值。
猶憶餽茅簷，誼若駟蛭比。夜訪煙靄中，露珠滴秋穗。
旋開叢竹軒，來往紛童稚。園蔬翦碧荳，邨沽解瑤珥。
百凡所欲需，玉腕親爲致。邁俗羨晉風，賭詩爭漢幟。
桐陰月漸西，吟笑忘假寐。時或卿到門，恍若枯苗洎。
又若入華胥，忻神自醉談鋒。

雜諧詭筆端寓遊戲何當一分袂日月疾如駛相逢將兩週寄情無一字胡爲太白才忽作江淹匱珍重檢舊題寸珠藏篋笥西風薦新涼重來或可冀相攜登我樓快讀壁間誌

桂月喜羽卿見過

蕭疎煙樹俯江關望斷平蕪野水灣恰遇風前帆正穩快逢花底話初閒潮生小暈添紅頰翠染層嵐是綠鬢重擘烏絲題舊事燭花殘淚更爛斑

夜坐偶談舊事感而有作

篝燈簾幙夜窗虛笑語依然風景殊過眼韶華同腐草到眉愁緒比新茶楊枝旣已生前別謝豹何須死後呼不向空王問消息枉將清淚滴靡蕪

暖韞玉妹

玉質蘭枯莫問天那堪家累苦相煎愁無可語方爲酷病不求醫更可憐篋底常餘典衣券筆端時給買花錢半生勞瘁因兒女輒對咿嚶重泫然

暮春同羽卿遊虞山

山光樹色綠陰低蕭鼓晴湖畫舫齊紅袖輕盈迷粉蝶清歌宛轉亂黃鸝懸崖細溜經松塢曲澗幽花帶柳溪共領煙嵐好風景筆牀茶椀正堪攜

過錢園有感東羽卿

深秋見楓葉即發遊山志忙忙歲將徂此興旋已
寘東風解河水煙光各逞嬌始訂同心人踏青芳
草地勝遊良多阻春色巧於避放舟恰送春花飛
已如委笙歌雖云歇酒非醉翁意山巒似靜女不
減雙鬢翠波明帶遠峰睂眼亦清麗縹緲金碧間
恍惚靈光峙緬惟東澗翁千秋才命世詩老髡松
圓美人攜柳是雲霞結文光湖山騰墨氣大雅今
不作風流有誰繼秋水閣空畱耦耕堂已閉登臨
肆憑弔俯仰發長喟每羨列朝集閨閣咸附驥嗟
余生也晚弗及邀品置願覓詠絮才少砭塗鴉技
一笑東致君有詩幸見示

蠶樓集卷二

四

圓美人同羽卿小憇仙入堂堂後乃大家外宅也

談次偶見好女潛窺戲題示羽卿

石欄小徑憇陰濃高閣臨流晚照紅莫向碧梧輕

笑咏誤人青盼在牆東

獨坐桃源澗水聲松色韻致悠然惜羽卿

不至殊覺寂寞也賦短章以貽之

陰森古木翳寒泉縈紆百道驚潺湲石齒激來猶

玉漱澗口跳處如珠圓迎風響淙淙幽韻頗泠然

恍若湘靈錦瑟夜鼓空中絃又如子晉玉笙吹向
月明去鸞鶴應和緱山巔我欲尋源訪靈境隔花
冀遇垂鬢仙煙深雲鎖不得見惟有佛燈梵磬維
摩禪苔痕濕蒼厓懸胡麻飯好知無緣悵然竟返
漁郎棹一任松風蘿月萬古爭清妍

偶坐桂下因思城南舊墅有懷諸弟

輕雲濛濛樹陰密蕩漾花光弄金碧馥郁時飄勝
麝蘭維摩天女濃香滴惜花幾度到空齋無奈閒
愁觸緒來回想城南秋月夜詩籤茗椀綺筵開清
歌初按霓裳曲翠管銀箏競相逐隔簾鸚鵡解聽

凝翠樓集卷三

五

歌學念新詞聲未續皓魄潛看下碧梧繡茵促坐
夜擗蒲紅燈燼落還重換綠蟻杯空却再沽樵青
竹裏吹花露一縷茶煙颺輕霧詩思清狂醉墨欹
笑談賡和尊前句轉眼滄桑事可悲同時踪跡幾
遷移紅顏少妹金徽冷白髮衰親玉樹萎困守田
園憐弱弟寒窻燈火書幃閉更有天涯流落人風
塵潦倒裘應敝謂弘念此如何不斷腸那堪世路
更茫茫何時香國重開宴插遍茱萸一舉觴

春抄聞羽卿將至誌喜

兩雨風風慣作魔一春憔悴奈愁何立殘夜月同

吟少開盡林花獨對多正怯羽書驚埃火時有忽楚警

聞鳥榜放春波從今莫忘當年約紈扇湘琴取次

過三疊黃鵠山真中來善業品本還自五窠金青

初夏同幼妹過羽卿畱飲即景

雨濕空堦碧蘚重疎簾微拂棟梢風閒看遠岫分

眉綠笑倚嬌花鬪臉紅洗盞正臨流水際聽鶯恰

在柳陰中平居每羨松陵咏柿葉新題莫放空

羽卿來翰云知己惟君尚多睽隔蓋責余

春遊之不果也今羽卿移家邨居將已

匝月未一枉顧豈頓爾忘舊耶抑絕余

之深耶聊賦短章用伸愚意

鬢樓集卷二

六

雨洗山容淡似煙清光微潑午窻前去來梁燕休

相笑來書有恐爲梁燕所笑語親近溪鷗自有緣花點楸枰碁待覆

香奩石鼎句誰聯叩門每憶人如玉咫尺何由似

各天笑奇齋詩

北信憶弘導弟始將與南風問香

作客頻年倦未回關河忽報羽書催樓船滄海虛

循至鼙鼓湘江處仲來舊業烏衣還在窮途青

眼竟誰開却愁消息天涯斷珍重雙魚取次裁

屈鶴驚傳到日邊遙知南望欲潛然一身寄食還

殊地十口關心是各天爲客正當搖落際思家况
逼亂離年不如且動蓴鱸興自理滄江舊釣船

夜坐口占

翠掩芭蕉窈窕窻一編清冷對銀缸來朝何處佳
音至先見燈花結一雙

春雨曉望

濕雲如暮曉光寒香篆縈簾鶴夢便楊柳溪橋多
入霧杏花樓閣半藏煙鶯翻新翠聲猶澁燕掠殘
紅影自翩無限春愁似春草濛濛和雨遠連天

丙辰季春憲尹弟南宮獲售志喜

凝翠樓集卷一

七

好音相盼杏花天果見泥金帖子傳聲價定知高
白璧文章方信擢青錢一經耕獲逢年早兩世科
名種德先最是蒿莪親不待喜心極處轉潺湲

羽卿將卜居隣近忽焉中阻志感

暮雲江樹恰淒清劇喜溪橋短棹迎刻燭再贖新
得句拂塵重認舊題名小山叢桂宜招隱流水桃
花好避兵底事機緣巧相左春風未許到柴荆

對月懷羽卿

碧天如洗露華零四野秋聲不忍聽憶得此時香
閣裏倚花和月醉微醒

草堂咫尺槿籬斜，猶記相逢約翫花。
碧漢不教雲鎖斷，好隨月色到窗紗。
壽簡堂師五十

成都罵賊鴟啼血，作客同時甘殉節。
伯道無兒衆共悲，杞梁有婦人爭說。
忠孝詒謀勢必然，閨中毓秀正笄年。
承歡何羨斑衣侍，不使高堂有涕懸。
禮宗親黨咸欽敬，燕縷飛來春晝靜。
吾母當時最所親，瑤林玉樹相輝映。
余時幼小恰隨肩，常得追陪讌笑間。
欲點筆依栴几畔，偶繙經共佛燈前。
春風簾幙垂新綠，竝屋連牆相過熟。
清遊午夜更焚香。

凝翠樓集卷三

八

軟語西窻同翦燭，無端名利苦牽留。
楚水吳山兩地愁，綠雲又逐東風散。
曲斷湘靈瑟裏秋，世情看徹滄桑變。
朱鳥窻前眉黛換，穎悟無煩面辟功。
一葦徑渡菩提岸，齋魚粥鼓六時過。
禮罷空王感慨多，沾泥剩有禪心在。
覆鹿其如昔夢何，法臘旋看已半百。
天涯欣喜知何極，願祝金剛不壞身。
指揮笑證拈花席。

贈歌者睡蘭

一串歌珠響過雲，琵琶調促思紛紛。
愁眉帶嫵羞蛾綠，醉臉消紅作纈紋。
山下蘼蕪情未斷，渡頭桃

葉影還分劇憐少小偏饒慧名字憑教記曲聞

初春感懷

獨倚危欄暗愴神東風微拂又經春受寒梅蕊香
猶凍映日苔痕翠漸勻雲外傳書誰是雁憶三弟
俱客燕花

間覓句更何人羽卿
久別舊遊回首同蕉鹿贏得絲添

兩髻新

題扇呈八孀宋太夫人

今代宣文擁絳紗若昭名氏更堪誇珩璜訓秉尚
書座翟第班新宰相家風雅房中歌葛藟才華筆
底頌椒花白憐枉負烏衣舊愁看珠簾燕子斜

鬢盤樓集卷二

九

感憤

九十春光濺淚過鏡邊衰鬢感蹉跎強謀歡笑知
無益欲遣窮愁喚奈何怨比量城猶恨少憂同恤
緯不爭多可憐咫尺殊枯苑歎息優施暇豫歌

哭奕文弟八首

積善天應佑於君何不仁艱難逢此世溝壑畢斯
人恩怨三生事饑寒百折身病中遺句在吟罷一
酸辛

乳哺叨慈愛提攜十歲童自經捐棄後即在轍軻
中先業練裙薄資裝竹笥空黔婁生計感時命歎

何窮

同產余尤長情親爾更敦每蒙舟楫過輒對笑言
溫通識能諧俗高懷恥受恩自慚升合水木得數
相存

欸欸潘楊戚幾同墳與筮廿年情獨厚百日死相

隨

弟距方來之歿
僅三閱月耳

倏忽團圓夢淒涼訣絕辭猶思惟殯

夕親串共扶持

每念家門弱頽波力欲爭豈知偏不祿此志竟無
成久病搜脂髓長貧損性情魂歸華表日撫舊恨
縱橫

凝翠樓集卷三

十

嘉耦悲空簞無聊偶抱衾不成居室計彌切悼亾
心鬱鬱脾官憊沈沈瘡鬼侵忍看阿鶯嫁零落淚
沾襟

一病聞君劇倉皇買棹看不嫌多檢攝猶冀得平
安藥食頻調視晨昏強慰寬偶譚身後事相顧默
摧肝

弱女憐孤露扶牀僅六齡挽鬚還付託執手重丁
寧厥責誠難諉斯言已刻銘眼看成長易差可慰
泉冥

初夏羽卿過舍小飲畱題次韻

柴門剝啄夢初殘，邀笛風流不讓桓。
茶泛碧香傳侍女，菜分青縷問園官。
竹間話雨人如花，花下行杯氣勝蘭。
漫向茅堂苦炎熱，綠陰千頃亦生寒。
病來百事久荒蕪，句懶吟時字懶模。
忽報故人俄放棹，恰當好景共攜壺。
三餘祇合論文史，六鑿何須笑婦姑。
片刻追歡吾願足，敢從篇什學搜枯。

記夢

冉冉歲將暮，聞之心刺感。
不獨徂年悲，崢嶸百事促。
逋稅久因循，姑待秋成熟。
及茲又失望，三畝不盈斛。
緹鏹水可浮百文，二斗粟鼠雀無儲糧。
不副

凝翠樓集卷三

七

公私欲剝肉，補瘡瘦形神。
俱困辱中宵，忽入夢御風。
躡黃鵠飄然凌海嶠，長嘯看日浴波光。
眩離浩渺漾青綠，洋洋信大觀。
萬象俱逞逐，頓豁胸間塵。
神怡難狀目，俄焉登巨舫。
破浪朝若木，遙睇煙靄中。
數點青螺矗須臾，至彼岸直叩三山麓。
峰嵐燦雲霞，飛閣控巖谷。
獸鑰重關啓，雙鬢美如玉。
低迴弄餘妍，掩袂倚修竹。
俯觀碧桃花，隨流泛輕馥。
遠聞鸞鶴鳴，驚破遊仙躅。
依然眠紙帳，寒衾如蠶縮。
譬若囚繫人，暫夢離刑獄。
得意非言喻，輕快那可續。
胡然一覺醒，身原在桎梏。

登虞山齊女墳

望斷關山故國情，
親幃何處暮雲平。
只今石上猩紅草，
猶是當年淚染成。

有感

少時不解鎖雙眉，
頓覺年來易惹悲。
久却甘腴因善病，
未忘花月是情痴。
老成凋謝談無侶，
後起參商事可知。
更有寸心愁絕處，
連年常作輓歌詞。

夜寐聞鵬有感

微風動簾幃，
明月穿窗紙。
淒其夜三更，
萬象寂於水。
墻頭有棲鵬，
長嘯慘人耳。
聞之心凜冽，
百慮紛然起。

鬢樓集卷一

七

然起痛死腸，
暗摧念讎髮。
怒指因憶泉，
下人卧病當秋始。
血枯夜不眠，
神虛聽無主。
忽聞此鳥鳴，
失驚向余語。
恐是不祥音，
悲哀念兒女。
執手魂已消，
相看淚如雨。
回視僻間燈，
青熒惟萱許。
哀哉念此境，
又易兩寒暑。
其中翻覆多，
變幻難枚舉。
鬼蜮肆欺凌，
孤筦瀕九死。
伶仃諸雛弱，
何以禦狐鼠。
愁攻與恨積，
胸膈漸成痞。
恐復蹈覆車，
誰可托遺累。
雖甦甦家心，
其如二三子。
勉欲事刀圭，
參苓貴無比。
效禱尚艱辛，
何力能致此。
微生任浮沈，
得失憑天矣。
悠悠長夜客，
可復念桑梓。

春來萬卉皆爭妍處處名園醉管弦薄劣遊蜂偏
逐豔紛吹羣蟻競趨羶惟有閒門淡於水蛛絲挂
屋塵封几一編獨對南山雲何羨豪家鬧如市可
憐花發曲欄西時見翩翩燕子飛不鄙主人貧刺
骨葺巢還向畫梁歸輕翻低舞穿簾入似向堂前
尋舊識主翁化鶴不歸來綵絲欲繫雙飛翼徘徊
顧汝首嗟時感慨由之淚暗濡雀網已非前日翟
烏衣却戀舊家盧喁喁小語聲相續不是烏啼清
夜曲啣花啄絮往來忙常得窗前伴幽獨無端童

盤樓集卷一

三

稚忽摧殘黃口隨風墮砌間驚繞哀鳴腸欲斷覆
巢完邨古今難深閨一見生憐惜

謂荃兒

自躡花梯

重補葺細盤湘竹一椽低輕堊明沙四壁立矍踰
暖襯旋移來好護新巢次第回更倚繡牀頻囑汝
任行花底莫疑猜呢喃似解主人意竟爾飛翔無
所避刷羽調雛自坦如嬌啼宛轉簾櫳底東南日
出曉光明花氣朦朧睡未醒已聽關關相對語喚
迴清夢亦怡情殷勤爲謝梁間燕轉眼滄桑陵谷
變不忘王謝舊時人茅屋年年會相見

舟至相城風雨作惡夜泊偶題

十年夢想六橋東幾度蹉跎懶散中
放棹恰逢春漲水蕩舟偏駭石尤
風低迷楊柳難分綠搖曳桃花
旋褪紅多分天公還妬客相城
西去雨濛濛篷窗滴瀝倍淒其
黯澹殘燈入夜窺欹枕不驅心
上事擁書閒寫眼前詩黍禾瀰
漫悲荒宅細詢石田故
居人無知者香火銷亡感舊祠繫舟關夫子祠前
頹敗不堪寓日還憶從前遭射影
月明清露泊舟時

晚步蘇堤

面面峰巒翠欲浮尚餘南渡舊
風流聽鶯堤畔春風暖放鶴亭
前古木稠香送綺羅紛去屐歌
翻絃管開歸舟湖山重賭昇平
日明月依然照畫樓

岳王墳

落日棲霞炯墓門班師遺恨滿
乾坤兩河自灑香盆淚五國空
啼梓木魂碧井流芳餘烈女金
陀述德有賢孫威靈猶絕樵蘇
跡不比冬青泣寢園

孤山

錦塘花遶接西泠一舸來登放
鶴亭丹粉但驚新戶牖蘚苔難
覓舊碑銘樹逃劫火猶存綠山
蘊靈光不斷青寂寞那知林處
士香車寶馬幾時停

遊孤山述所見

尋芳轉岩谷密樹蔭幽灘扣門高閣啓匝地花陰
繁屏間有少婦舉動含悲酸玉兒步盈盈瑤英骨
珊珊低鬟花泣露苦語鶻流丹更有白頭母手抱
稚子歎哀哀向余訴五九始夢蘭提攜珠在掌勞
苦非一端傷哉復幼孤伶仃幸勝冠讀書識禮義
菽水望承歡前年爲娶婦微姿畧可觀于飛誠足
樂琴瑟喜相安不幸遭強暴竟罹毒手攢一旦委
朝露誰復念孤單枕戈春讎胸所愧筋力孱泉途
旣已遙抱恨心如劍熒熒守空舍惟此弱息看柏
舟豈易矢琵琶恥別彈遺此四齡兒共我孤燈寒
何能望成立完卵自古難千鈞係一線恐復遭摧
殘骨肉等飛塵衰朽將無棺刺刺語不已血淚如
鳴湍猿啼無此慘使我亦沈澗

秋夕同羽卿步月

相逢同步月對景可忘憂樓閣涵虛白乾坤入素
秋尋詩吟未得賭酒醉方休爲探東籬菊風清香
更幽

相逢同步月歡劇忽嗟咨薄病時憂女長貧更念
兒蓼莪終古恨棣萼異鄉羈羨爾家庭樂縱橫事
事宜

相逢同步月幸共素心人石鼎烹泉細金爐換火
頻河欹珠斗濕雲過碧天皴可覺羅衣薄寒生玉
臂新
相逢同步月感慨托秋蟲只解催霜信何能脫草
叢道心魚鳥境世事馬牛風幸藉清光照殘年樂
未窮

早眠

篝燈不復檢陳編兀坐無聊只早眠酒爲量慳多
獨醒夢因緣淡少紛纏鴨添剩火畱香暖鼠竊殘
膏隋蕊圓數盡更籌雞未唱舊愁新恨兩茫然

凝翠樓集卷一

六

野步

春光舒嫩柳晴藹發寒梅短棹穿花去青旗貫酒
來忘機鷗泛渚趁暖犢眠苔茅屋誰家樹柴門晝
不開

聞羽卿抱恙

橘綠橙黃景最優抱疴何事阻清遊慵非中酒閒
支枕倦欲看山強上樓瘦減腰圍君善病顰添眉
皺我多愁好將藥裹扶衰弱莫負東籬一片秋

羽卿以詩相訂往看山頭楓葉已放舟追
隨同也隨而羽卿抱恙不果次韻奉酬

相約秋林踏曉煙爲尋霜葉小春天山銜紫翠開
屏障樹雜丹黃滿谷川取次獨傾桑落酒幾時同
上木蘭船來朝細雨絲絲度放棹歸時一惘然

咏蚤虱

主人隱南山習靜安恬退躬耕困操作盡日少舒
泰嚮晦得休息黑甜實可愛無端有小醜種類微
癩疥黑白分部落強弱遠不逮白者多雌伏乘隙
始爲害豈如黑性黠公然肆狡獪如脫兔疾颺
若飄風銳侵凌啖膏血騰擲任變態流毒累搔爬
剝膚恣嚙噉橫行已不逞跳梁胡可耐主人肘腋

凝翠樓集卷三

七

間擅據爲食采無功恣饕餮問罪豈汝貸一旅遂
中起討捕窮境內小或矛稍殲大則礮斧碎耀兵
荆楚燼移師莒邾潰分頭各搜緝狡窟無遺類貫
心試棘針磔體充確磴黑固難遁逃白亦遭芟艾
誅宦及無鬚千載同一愾蕩然衆孽平投杖始得
快非不慕蕭衍捨身恐貽悔此乃卧榻傍安能容
若輩

目疾

敢誇十指鬪鮮新壓線年年亦爲貧暗裏目光銷
鑠盡他生無事禮針神

鐘聲未動睡魔侵閉目高眠擁薄衾私聽侍兒相
慶說伴吟不用守更深

頻年坎壈困愁城積漸應教目肯成雙淚西河流
已竭錯將作史怨丘明

雪夜見月

冰花颺後轉凌兢忽睹侵階月色清大地光浮波
瀲灩長空雲淨玉晶明有懷對景尋詩壘無力驅
寒仗酒兵却笑童心還好事石鈿新火煑飛霰

懸寶帶以冰盤貯雪猫

晶盤巧琢自天工移入朱欄避曉風翦玉作花紛

盤樓集卷三

六

稚子堆鹽刻虎笑羣公策勲戲贈金鈴燦賜綬雙
懸寶帶紅不向花茵伴清夢夜深玉立倚簾櫳

偶緇長慶集有感

細看元白詩中意不覺潛然淚濕衣朋友交情尚
如此那堪骨肉久睽違

哭稚孫印兒

睂目清奇玉作姿誰人不羨寧馨兒時娛老眼供
歡笑劇語曾傳七字詞
漫漫長夜更誰親幼小伶仃未解行地下阿翁雖
不識好投懷抱莫相驚

斷腸血淚已相看猶自躬身似問安

兒每早見子必連
捐問安臨危猶作

捐別

之狀慧性若還思阿父憑將幽夢到長干

時其父方
試首門

自悲老邁身無力欲抱嬌兒怯臂酸今日何能重
抱汝傷心徒有淚泱瀾
聰慧應從謫降來孽緣已滿便分開不知共我何
牽染老去情懷為汝摧

紫藤花下懷羽卿

晝長無事午風輕時向藤花曲徑行淺紫霏霏垂
古幹小紅簇簇吐新英掃愁尚賴三蕉葉破悶閒
憑一石秤惆悵綠窗人臥病淪花燒笋不同傾

凝翠樓集卷三

九

病臥聞立秋時麟兒將歸也

憔悴支離十日餘忽驚時序又秋初垂簾臥看將
圓月伏枕重翻舊閱書舉動怕風嗟漸老情懷觸
境恐難舒天涯遊子知將至剝啄時聽到敝廬

不寐

秋聲刮耳夢難求想見中庭月倍幽照睡海棠空
爛熳定巢雛燕自啁啾貧難遣嫁兒畱閣拙少黃
緣子倦遊轉展無眠心欲絕卧聽征雁過南樓

七月廿七方來生忌亦五十齋年感賦

秋風微動沈寥天小設尊罍奠一筵煩惱先離君

自得孽緣未盡我猶纏祇看兒女揮清涕無復親
朋送紙錢畱得餘生此時在菜根魯酒亦歡然

聞羽卿病探之已愈喜而有作

偶傳薄病怯秋情過訪聊憑一棹輕繫纜預愁誰
欸接到門先喜主逢迎胸無塵滓清逾迥心在煙
霞癖已成從此加餐須努力老年相傍樂餘生

東羽卿

青鞋踏徧山前路祇恨同心不共遊拾得霜林紅
一葉分將秋色到粧樓

除夜

癸丑樓集卷三

三

百歲光陰半已過流年徂謝更如梭才疎無句驅
窮鬼藥謬何方遣病魔稚子斑斕牽作戲老人裘
褐擁成窠折花洗硯忙猶甚坐聽邨雞徹曉多

東羽卿

百歲光陰半已過流年徂謝更如梭才疎無句驅
窮鬼藥謬何方遣病魔稚子斑斕牽作戲老人裘
褐擁成窠折花洗硯忙猶甚坐聽邨雞徹曉多

凝翠樓集卷三

太原王慧蘭韞

棕藍貯花懸之帳中二十韻

摘豔藏綃幙羣芳各以時短長收藥籠早晚易仄
期香透蜂猶妬春潛鳥莫窺含紅映日蕊暈綠蔽
煙枝長繫心彌定孤懸影不離絳紗畱淑質青帳
隱環姿多露應無畏終風豈及欺栽培資水勺約
束任霜磁零落非遲暮飄搖好護持抱余毋轉觸
布席每先攜墜粉堪驚夢流芳欲沁脾醉中看自
美病裏玩尤宜月映枝交亂燈移朶旋欹曙蟲緣
可拂野馬污能吹冷跼侵肌覺微馨入夜知新英
暉夕燭縟綵耀朝曦角枕陪偏韻匡牀寘莫遲還
如錦洞麗頗勝玉缸奇愛遣攀條婢閒呼饋面兒
繁華爭鬪眼睡起賦新詩

凝翠樓集卷三

一

田家春興

各各春林布穀催茅簷小竇向陽開趁晴蜂子排
衙鬧採得紅香次第來
芡芽初茁遍蛙聲新結輕絲小網成鱸鰕正肥春
水發一棗煙雨候朝生

鳴杼繰繭不辭勞斜髻青絲首重搔約伴堤邊浣

紗罷竹竿晴晒傍新桃
二麥鋤過秧未青早花白地已先耕春無夜作多
眠早不用東方候啓明
邨邨社鼓開如雷薄醉兒扶叫笑回一片杏花殘
照裏牧童牛背正歸來
爭巢攫食鳥聲喧草色晴熏值禁煙何處歸寧年
少女插花垂袖綠楊邊

重至城南舊居四首

步轉城隈到故園
槿籬猶是舊柴門
覆簷老桂空餘幹
遶屋修篁僅有孫
霜後題詩誰掃葉
花前置

凝翠樓集卷三

二

酒孰臨軒舊遊回首俱成夢
豈獨青衫染淚痕

猶憶秋堂簇錦筵
老親歡笑共花前
調絃聲裏分曹飲
燒燭光中檢韻聯
一自金鞍辭故里
浪將玉樹閉重泉
何時卜得牛眠處
鬱鬱松楸起墓田

十年棲息閉柴荆
一別滄桑事屢更
蒲綠荒池存釣跡
苔紅廢壁失題名
牛衣相對人何在
鶴羽歸來夢未明
惟有雕梁舊時燕
向人如訴別離情

流水平橋訪舊來
藥欄無復見花栽
新成畦壠惟葵麥
向住隣家半草萊
迎我已忘何姓氏
問渠始識舊嬰孩
劇憐老圃清談健
相送柴門野色開

七夕邀羽卿不至

今夕是何夕久不賦新詩悵念素心人踪跡多睽
離老懷易成感況值徂年悲哀病日漸至愁歎常
繼之鶯花負春景雪月辜良時蹢躅步履難岩壑
慵探奇一編聊引睡欹枕猶手持秋風忽薦爽萬
物皆淒其蟋蟀啼清露梧桐辭故枝流光驚易逝
折簡題小詞臨淵寄雙魚爲我貽所思徒倚時遠
眺煙艇望早移開尊酌星斗瓜果羅參差且尋眼
底樂共翹別後私那堪又羈阻何以慰前期却看
小兒女攜針賭貫絲乞梭與染指舊事不肯遺誰
知老人心百慮時到眉

凝齋樓集卷三

三

九月廿七日下旬方來十週忌辰感而有作
蕭蕭黃葉下塔堦海燕歸時每自悲猶憶臨危多
苦語那堪轉眼十年期
斷齏劃粥半生哀懷抱何曾得好開今日薄田過
二頃痛無涓滴到泉臺
虛名紈袴事全非患難誰憐禮不肥阮氏宗支南
北異遜人豈獨是無衣
竭盡脂膏未落成土墻朽木早欹傾丹楹畫拱誰
家室化鶴歸來恨豈平

燈幢法藏禮伽毘少展兒曹風木思若論平生饒
厚德人天福地久追隨

十載艱辛只自知尚平累重更無貲憑君莫問愁
深淺看取星星兩鬢絲

新秋對月感懷三首

新秋景物動淒其況值情懷作惡時善解詩書無
鄭婢紛爭梨栗有陶兒田疇荒穢憂晴雨賦稅徵
求竭髓脂萬里清光空自好不堪惆悵鎖雙眉
冰輪漾彩徧長空一枕新涼花影中繞樹無枝憐
倦鵲時長女遷居未就警寒有信惡鳴蟲貧難致客空辜月

凝翠樓集卷三

四

病易驚秋每避風老去自應成廢物阿翁何必果
痴聲

眼看稚子走交加亂撲流螢笑語譁羨爾標輕思
少日怜余衰謝擲韶華畏風簾下偷窺月怯冷籬
邊嬾看花惟有童心銷未盡每逢佳節興猶賒

送女歸家無聊獨步

自摘庭花嗅暗香蕭條景物助淒涼春蚕作繭悲
絲盡秋燕辭巢憶路長獨倚井梧吟月冷漫憑籬
菊報年芳今愁昔夢惟餘淚付與西風落葉黃

挽陸配許孺人五十韻

連理有奇樹纏綿勝膠漆鴛鴦本野鳥雙飛常比翼人爲萬物靈迺受造化阨別易會却難摧肝蕩魂魄一朝溘霜露此恨何終極吾里有淑女門閨素烜赫笄年諧鳳卜結褵逾二十伯鸞固奇士德耀洵良匹窈窕叶好迷相莊秉儀則燈窓伴吟唔分光照夜績客至甑有塵脫簪市餽核若膺藉第榮斯人固無慳棘闈羅俊人佐壻理遊屐從此閉深閨苔痕鎖空碧夜雨夢梨雲春風感柳陌郵筒每有寄尺素手裁擘二豎遽相虐淹淹卧牀篋遊子遠未歸中心爲怛惻恐傷白髮親含辛自努力

凝翠樓集卷三

五

忽焉賦歸歟聞報驚馳入牽幃問所苦愛刃剗腸脈強以病爲諱吞聲淚偷拭相對殊修整膏肓或未必念壻鞍馬困慰勞猶詳悉氣憊神自清握手話疇昔雖爲君家婦愧未盡婦職生無相子勞死徒累君憶哀哉薄祐人不克見家立昊天罔極恩痛未酬涓滴少小累阿母教養皆母澤短命使母悲九原尚蒙責慷慨陳大義不效兒女感呢呢三更餘星河爲轉側淒風泣庭庭殘燈焰焰熄見壻徘徊侍顧令就館室壻言睽違久藥餌未親炙今幸返故廬正可伴岑寂乃云壻何愚眷戀有奚益

相看君轉傷徒亂妾胸臆掩面向屏圍悠然斷呼
吸玉樹寶須臾綵雲散倉卒餘芬在服玩遺澤留
刀尺凡諸眷屬人百身稱痛惜嗟余藉親末曾瞻
冰雪質春容禮數周散朗神情逸五可古所欽四
德咸遵式明慧見睂睫道誼出肝膈猶憶傾蓋初
顧我宛舊識何當一分袂遂爾仙凡隔哀念無可
伸俚詞誌百一

九日送姪女于歸阻風夜泊

明燈促坐夜沈瀾雷滯河濱爲別難隱几風傳銀
漏永開簾月挂玉鈎寒波痕南浦仍涵碧樹色西

凝翠樓集卷三

六

山已放丹無限襟懷寥落甚茱萸欲插共誰看

對月懷紈兒別又一月矣

院落深沈鎖暝煙巡簷獨立倍淒然薄雲籠月花
陰淡冷露侵衣夜氣偏譙賞從茲兩地隔分離又
見一回圓辭巢乳燕聯翩去反哺誰將隻影憐

看荷花

微雨初收趁曉涼旋移小艇過橫塘綠陰遮斷花
難見已覺迎風一路香

路轉溪迴翠蔭深數聲啼鳥度遙林臨流輪與綠
絲女日對濃香坐柳陰

題辭

此地昔爲先翁書室禁人來往方來爲子四
十年不輕至此今翁逝矣方來亦先朝露未
亡人勉爾居之心常怒焉含痛聊賦短章以
招方來

書室森嚴鎖鑰持雖爲兒女敢偷窺可憐薄命淪
亡早不得安然坐卧時聚散無憑悲昔夢苑枯有
恨痛遺詞於今月白風清夜魂魄歸來讀我詩

書樓同羽卿看桂有感

秋雲澹蕩秋風清古樹葉落交縱橫忽聞幽香散

擬盤樓集卷三

七

林樾知是窗前老桂發開軒共坐繁花下不用小
槽壓新蔗分題戲效金谷詩才調終慚管仲姬天
空雲淨日猶永草木蕭疎意悲哽感今念昔最難
忘二十餘年此徜徉曾經夜坐憐無月春盡何當
聽啼鳩少年好景愁中過半爲家貧儘折磨曲欄
徙倚徒搔首迴想天倫樂事有拂屏多少倡酬篇
繡窗還認唾絨鮮舊遊幾度同蕉鹿城南花月遭
尤酷吳剛快斧日不停霏霏金粟飄零星

江邨感舊述懷簡羽卿一百韻

江左推華胄年值盛時鄉園春浩蕩童稚日嬌

癡簪紱家聲古珩璜閫範師友於輝棟萼清潤耀
門楣織錦安能擬塗鴉亦可媿冥搜窮汗蠹小飲
趨芳蕤柳苑鞦韆慣梅堤蹴踘宜繡裯春鬪草玉
局夜彈棋簾捲蝦鬚軟爐添甲煎奇羽觴飛酒海
樺燭燦燈枝羅縠裁襦袴雲霞緝履綦所遭皆處
順爲樂正堪嬉不解諳愁苦何知有別離已上叙童
時家庭嬉
戲之 事 猶然佩紛悅一旦結襟褫渺渺雲山隔潛潛
涕淚垂歡情遂已矣多難兆於斯妯娒情難測姑
璋性易疑雁行紛乳虎蛾隊雜妖狸喜怒生俄頃
憎憐任報施兢兢如履薄惴惴似臨涯餽粥分家

凝翠樓集卷三

八

早齏鹽盡日疲素封名枉著終窶實偏罹兒女頻
年舉公私畢力支歲時常有費姻黨或相遺倒篋
餘賒券堆牀有質劑練裙衣似結椎髻髮如絲糧
絕探薇蕨廚荒蕪廢庖牛衣惟對泣噩夢勉相規
白分填溝壑何能脫嶮巖臯比頻損俸鴻案少舒
眉命也生胡海傷哉數獨奇阿翁遭訟訐墨吏腹
膏脂搗鼓身求代傾囊賄獨齎依然存素手不解
筭晨炊卒歲常愁乏豐年亦苦飢鑠金何太甚投
杼反因茲已上叙適沛國後
拮据艱難之事 半世紛啼笑浮生判樂悲
倉皇哀楚些憔悴泣湘纍每帳荒邨曲何來幼婦

碑憶時訪荆華爲節值榴葵一見初傾蓋千秋儼

故知

丙午歲裝寶節初遇羽卿

檢書披竹素煮茗試槍旗慰病春

移舫論文夜捧卮春容看意態散朗羨丰儀紅粉方韶今青蛾恰秀羸跡偏佻隱逸願擬托迦毘心

契惟予識行踪爲爾羈

已上叙閨中訂交之始

塵緣終未絕天

意豈能辭桓氏龍還跨秦樓鳳已騎好速誇荇菜

吉夢叶熊羆從此鄉城隔難將笑語期鱗鴻多杳

渺魂夢各參差蕩槳尋遺址停橈認舊陂花開惟

獨賞釀熟共誰持門外天涯遠窗中過隙馳

已上叙羽卿于

歸後與予濶別之久

擇人魑魅喜伺影射工私計拙遭時賤囊

凝翠樓集卷三

九

空任鬼嗤騎箕翁早逝得禍我先廟蝸角戰猶合

鵲巢鳩屢窺殺身因懦弱卧疾爲憂危捨地魂俱

斷呼天勢莫追百身那可贖入口更依誰欲摘同

爪蔓相煎搥豆其飄搖鴟旣毀憑藉鼠還欺下石

防多怨量城恨少貲驚心傷稚弱泣血歎孤嫠安

得筋骸健疇憐門戶衰

已上叙方來慘變屢膺家難始末

何當迂遠棹

忽爾慰相思排解抒情話周旋費軟詞連年多福

灰比日稍平夷却恐成離索還思共悅怡卜居開

綠野結室俯清池叢桂秋香滿寒梅雪色欹竹班

妃子淚花暈美人肌紅識蓮盈沼黃知菊遶籬青

裙朝擷菜白，裕晝扶藜窗。迴山當榻庭，幽鳥下墀。
浴蚕祈穰，盍納稼。祝京坻，酒泛玻璃盞。羹調雲母，
匙摩娑。鵲眼硯，選擇兔毫錐。庀藥收鐘乳，儲甘釀。
蜜脾簪花書，小楷詠絮譜。新詩池草諸，昆秀庭萱。
母氏慈，興酣千首易。意適百杯滋，往往瓊瑤寄。時
時雲錦貽，解愁誠妙手。祛俗是良醫，燭爲當風護。
尊因坐月移，釣磯窺白鷺。柳徑聽黃鸝，蠟屐香粘。
齒籃輿，花覆帷。非伊來顧我，即我去尋伊。已上叙羽
脚上居同

里詩酒往
還之樂

幸得優遊共行看，老邁隨鬢稀。驚雪點眼，
暗怯風吹聽。雨宵無寐，凝寒起欲遲。長貧予念子，

鬢樓集卷三

十

嬌小爾，憂兒漸減杯中興。頻銷鏡裏姿，遣愁惟散。
誕却病，莫嗟咨。老足供談數，貧猶辦酒資。山光自
烏目，花信已醱醖。舊事休三歎，新篇付五噫。餘年
好珍重，遊戲及期頤。

初春羽卿見訪，畱題時有微恙，依韻奉和。
薄寒猶未試，春衣乍喜庭。臯綠漸肥，釀熟引盃香。
共舉詩成刻燭彩，交輝舊愁似鹿撞。胸在陳跡如
鴻過，眼非病裏遺。恁須自適冷風疎，雨尚嚴威。
年來白髮已星星，那有丹砂可煉形。甲子檢餘應
漸少，庚申守慣只長醒。寒香雪勒梅侵戶，嫩色風

欵柳拂亭老去襟懷宜曠達鶯聲斗酒共君聽

春來苦多風雨梅花竟為所摧羽卿賦長

句吊之和韻

風雨輕銷一半春耐寒偏憶縞衣身雲深靈谷香
初散月轉羅浮夢未真張幕自宜圍玉早植幡悔
不護花頻西山萬樹應如雪泛羽流珠送洛神

四景閨詞追輓蕙心妹和原韻

無邊景色媚春陽鏤月裁雲有報章柳榭聽鶯凭
畫檻花溪賭酒送流觴碧箋緘授傳書使紅苴拈
教記曲娘今日重來思往事一時應斷九迴腸

凝碧樓集卷三

十一

薰風暖拂芰荷香粧試慵來日乍長題句愛拈蕉
紙嫩開編靜對竹書光幔過戲蝶晨消暑扇撲流
螢夜納涼轉眼謝家庭院側半輪明月照空牀
新秋院落步遲遲嘹唳征鴻欲度時小摘黃花簪
曉髻細看紅葉下寒帷十層清鏡新圖譜半格明
窗舊課詩何事繁華易消歇芙蓉零落動深悲
綺繡為裳錦作襦薄寒小飲閉簾裯蠹書檢處頻
燒燭獸炭添時竝擁爐合倩丹青圖秘殿却教環
珮返蓬壺可憐咫尺仙凡隔華表魂歸卜紫姑

早春同清河諸姊妹過郊外園亭

小橋流水抱邨迴，遶屋梅花百本栽。香雪離離風欲度，輕雲漠漠雨將催。明粧花底逢春豔，綺席林間澗晚開。待得月來應更好，路遙無奈却先回。
岸柳拖煙未著綿，薄寒疎雨養花天。屏山眉曲爭傳嬾，簾水眸凝欲鬪妍。青入房櫳苔蘚合，紅生堦砌藥苗鮮。樓頭倚醉人初散，碧樹秋深再放船。

新秋病起懷羽卿緘寄邀之

年時好景空辜負，閑戶垂簾疾不支。寂寞那知時改易，魯騰誰記月盈虧。怔忡渾似驚心鹿，視息真同服氣龜。得計三尺多謗讟，藏身二豎有先知。藥

蟹樓集卷三

十一

爐茗椀愁中伴，酒盞花枝夢裏詩。滿架柔藤香錯落，繞庭新草綠迷離。辱君慰我頻移舫，憐我逢君暫解頤。風雨對牀非易得，琴尊角勝邈難追。老甘人誚愚，聾慣貧視身。輕禱祀遲賒，藥券多奴斂。手典衣錢盡，婢攢眉求疵。衆說根緣怒，切脉醫爭病。在脾却疾定，當開鬱結延。年須要遠憂，思俗呼爲馬。隨羈勒自笑，如蚕抱繭絲。枕上送春纔，夜雨眼前辭。夏又秋期依然病，與愁仍在祇恐歡。隨歲漸移，扶杖巡行因念菊。倚窗兀坐爲聽鷓，雞皮漸覺腰圍減。鶴髮從看鬢，雪滋寘僻盤。餐嘉厚，貺開械。

尺素寄新詞弓蛇弄影予常困庚癸分心子亦羈
別去正當花落日重來好趁月明時女牛星下還
題句瓜果筵前共舉卮憑仗秋風蘇病骨百年強
半已參差

述病

少小依父母鍾愛逾珠珍結禱事良人相敬如友
賓何當早棄我孤子存一身雖有兒與女安及此
二倫幼者不解事惟知覓梨棹長者各有家自顧
猶艱辛弟妹俱遠隔分憂恨無人內政理攢蝟外
侮披逆鱗幸藉身未衰諸事無廢淪那知十年來

凝翠樓集卷三

十三

耗費精與神去秋忽嬰疾枕上窺水輪今歲重偃
蹇病中送好春臥牀將百日絕粒踰三旬鶯花愁
裏過藥裏日相親纏綿至入夏不死與鬼隣饗餐
勉啖粥氣結猶難伸甘腴久不御生冷禁及唇隱
痛據胸膈脹滿如輪困從茲不晚食性復畏飲醇
肌肉暗銷鑠老態日漸臻五官本用命欺主各不
臣脾虛物難化磨礪仗齒斷今茲先失職軟嚼猶
逡巡衰倦厭勞苦行少坐臥頻惟有殘書卷聊以
伴暮晨雙瞳復謝事暫用即發瞋燥潁肝有火痛
楚淚溢巾對月懼風露閉戶辜良辰夜長愁少寐

轉展獨歎呻夢魂亦顛倒口苦舌無津朝來戶方
啓百務殊紛綸強起理櫛沐眩轉紛蠅燐耳鳴雜
鐘磬轟若車鞞麟凝神再甦息始可畧視循衰頽
已如此何敢望大椿尚平累未畢意外多怒嗔攝
生歎無術已矣復誰陳

戊辰立春後七日大雪泛舟訪羽卿以抱
恙弗獲相邀過舍別後三日枉詩寄懷
依韻酬之

索居歎岑寂切磋喜勝已不見紫芝眉胸臆塵埃
起春回猶洵寒風霜侵髮齒夜臥如蝟縮重衾薄

擬疊樓集卷三

十四

似紙晨興侍女報大地洵奇美堆瓊與砌玉不辨
梅花蕊被褐臨前軒盥櫛憑素几刺船聊訪戴興
至非故擬遠樹墜銀花時見寒鴉徙延緣向葦間
乘流任迤邐迎君同鼓棹還遡滄浪水且盡今日
歡莫問誰何是驅寒仗酒兵白戰看對壘那知君
抱恙投轄反勸止不聆月露音何以滌我鄙開軒
鷄黍設洗盞照清泚一望轉迷漫遙山失馬耳人
生貴適意浩劫猶彈指那將膏火功枯禪參法喜
談深夜向闌微月生雲裏

疊前韻畱別羽卿

風淒夜氣清揮手別知己列炬林臯外棲鳥數驚
起藜杖臨水涯苔花粘屐齒雖未共仙舟相招有
片紙珠璣落咳唾柔情自軟美攜歸袖亦香坐看
燈落蕊老大悲樗櫟微生畏砧几含沙蜮諳射貝
錦人工擬誰念鵲南飛惟笑臬東徒鬢髮看漸白
年華去迤邐時懷空谷音恨阻衣帶水忽聞青鳥
來過從得毋是讀君紙上詩健筆無堅壘源源望
惠臨行行莫中止已將雪意辜肯教梅花鄙有香
憐夜月無言對寒沍還期翦春韭莫漫題蒼耳濁
醪近已熟新筍透如指何當虛此景空言令人喜

凝翠樓集卷三

五

休將六尺軀跼蹙鷄窠裏

重過清河宿小樓有感

半窗殘月夢依然屈指重來又數年香篆茶煙新
繞座鳥聲花影舊題箋驂鸞小妹茗華記中雀才
人薤露先最是春風易添恨那堪愁裏聽啼鶉

大雪寄羽卿

夜臥寒余如潑水四肢蜩縮僵欲死晨雞已啗天
愈昏惟聽風聲裂窗紙披衣起探試捲簾狂飈刮
面鋒鋌銛須臾六花攬空下糝糊慘澹如撒鹽封
條已見樹皆玉任教壓折簷前竹占年雖望來歲

豐行路須憐并衣哭今夏愁霖壞木棉農夫單布
肩跨穿不逢天子歌黃竹誰聽鶴語同堯年我亦
頽然貧似病凍鴟兀坐常憂冷煨芋焚枯爐火紅
酒兵微弱寒威猛遙憶荒邨閉戶人窗前梅萼顏
將頽一觴一咏景佳絕寒香沁骨風神清令我念
之西向笑幾回欲鼓山陰櫂試問牀頭有酒無夜
長何以銷懷抱

紫藤花歎

小園隙地栽衆芳荷鋤抱甕春來忙乍晴乍雨寒
食過一半紅沾燕口香罨窗新綠春色暮惹草紫

凝翠樓集卷三

六

煙亂飛絮芍藥開遲梅豆青桃花已作風前雨庭
中却有交枝藤修條古幹蛇龍騰朱闌縛架清陰
滿柔葉嫩蕊雲霞蒸花開紫豔何綽約萬串玲瓏
傍簾幙綬結垂垂翦綺羅珠穿瑟瑟拖纓絡霏微
似霧侵衣袂盡日普騰氣如醉薰爐不羨荀令家
坐擁色香真富貴開時正值蟾光潔園蔬鮭菜隨
宜設布席先除石上苔飛觴擬醉花間月失意偏
逢好事虛連朝風雨意何如淒清似聽淋鈴曲黯
澹如看擁髻姝著屐何人效尋菊閉門寂寞猶空
谷一甌清茗伴花愁惟有痴蜂鬧相逐露濕飄搖

落不休粉香狼籍委堦頭馬嵬玉碎悲遺襪金谷
珠殘怨墮樓細數此花真命薄每逢佳節情偏惡
猶記初開第一年折簡邀賓誰踐約踏青女伴在
山前辜負園林景色鮮燒筍獨傾桑落酒試茶自
煑惠山泉次年花發嬌還密恰值襟懷正淒惻
時孫門掩芳菲付逝波一番好景愁中畢去年菡萏
大綠未抽主人伏枕春及秋今年幸遇身強健約伴
還期秉燭遊預約妬花風雨來何急屐齒粘香幾一
尺酒闌客去掩蕭齋夜夜堦前月華白

重至先外祖家聊記舊遊

凝翠樓集卷三

七

小橋圯側石闌斜細荇新蒲擁淺沙猶記綠波清
可鑒雙鬟移艇採荷花

清泉解渴石亭涼行旅無虞道暘傷今日披蓁難
覓取秋原一片稻花香

紈兒出閣後遣悶作

老來疎懶倦經營插架牙籤塵暗生猶憶曉窗晴
日下教兒檢點記書名

竹風花影石欄斜知己論文笑語賒恐我談深應
吻燥碧香白乳試新茶

昏花病眼障輕絲小字蠅頭久不窺記得筵前分

險韻素箋紅印錄新詩

愛花常欲伴花眠月桂江梅結淨緣每到園林初
放處數枝先折帳中懸

碧梧翠竹影沈沈小院無人夜氣森每到月明常
不寐倚風和露伴長吟

牙籤綈几絕塵冥竹徑風微花覆屏却望綠窗香
縷動知兒獨坐寫黃庭

胸膈輪囷為病脾挑燈常坐夜分時解愁故作嬌
痴態笑按楸枰算劫棋

氣衰心弱夜無眠蟻鬪蛭鳴聽亦偏恐我獨醒愁

恨集故尋疑義究陳編

凝翠樓集卷三

六

中秋羽卿齋賞桂戲題

舊聞老桂生月窟娑娑天地無終極清光掩却恐
不明姮娥笑遣吳剛劈不知何年斫一枝擲向君
家傍書室龍蔥秀挺非世有蒼翠紛披奪山色秋
陰十畝覆更深馥郁疑登衆香國孤芳祗擬鸞鶴
駐偃蹇豈放鳶烏集時伴芸窻嘯詠聲絕勝霓裳
歌按拍小山叢繞隱者趣不似廣寒閉空碧金風
薦爽玉露零發揮萬斛濃香積主人不肯秘靈物
往往招余飲瓊液得句何暇費推敲高吟豈慮傍

人責君飲百壺興轉劇余傾一盞頽然息醉裏不
知落更多但覺芬芳沁肌骨夜永何煩秉燭遊一
輪早透林梢白澄波千頃瑠璃淨蕩漾寒光露華
滴旋烹佳茗破睡魔酒盞詩籤任狼藉歸舟折贈
一枝隨知我從來愛香癖但願年年人健在為代
姮娥好培埴

夜過羽卿

九月十三夜月光如洗獨立中庭徘徊顧影
不勝今昔之感因念丙午中秋月下泛舟探
羽卿邨居各有長句彈指又二十五年矣中
間存亡不一今幸兩人尚健不知繼斯遊者
能有幾否一時乘興復同兒子再遊舊遊相
與徜徉月下歡然小飲夜分始別明月滿船
波光樹影歷歷如畫抵家已漏下三鼓矣聊

題數語以記斯遊

金風動蕭颯倏忽已秋杪老懷良易傷所遇無一
好稚弱羅膝前喧啾鬪纖巧睹茲亦心喜眩轉怕
煩擾聞焉各返舍岑寂歎孤悄紛然百憂集坐使
身枯槁

徘徊嗟歎久自悲還自笑百年如過隙視息洵微

眇同行幾親串纍纍多墓草桑榆景易邁為樂胡
不早霜月恰初圓長空淨如掃泛舟尋舊遊煙波
正浩渺

汎汎逐流景夾岸蘆花深萍開星影動歷歷走珠
琛啼蜩響依草吠犬聲出林褰裳越蓁莽夕露沾
衣襟空庭萬籟寂槐柳何陰森人境兩清絕長嘯
驚棲禽

乘興到衡門欲進轉踟蹰或已入華胥無乃惡驚
觸逡巡退未敢遂叩迴廊曲主人頗清曠倚月對
叢菊短篇承注念佇想御風躡

羽卿恰對月見懷有
御風願爾作飛仙句

焉得相見楚然喻空谷

凝翠樓集卷三

二

柴關猶未啓譁然聞逐狗歡呼走童稚燈火趨田
畝高棚摘荳瓠清池擷菱藕網得細鱗魚杯傾久
藏酒勸酬忘主賓逸志侔野叟却憐轉眼間素絲
各盈首

凝翠樓集卷四

太原 王慧蘭 韞

壬申仲冬同憲尹弟渡浙江

浮嵐遠岫四圍重日落江干返照紅市口聲喧歸
渡客波心浪簇轉帆風輕鷗逐隊渾無定飛雁連
羣恰與同却笑龍鍾太乘興也隨五馬過江東

寓宿越州署中山樓

盤盤石磴俯迴廊古樹參差畫閣藏辟蔓柔條連
竹色澗通微溜帶松香開來柱笏西山爽倦後開
窗北戶涼萬疊煙嵐羅檻外一編瀟灑對斜陽

凝翠樓集卷四

空心柏

在龍山上
大觀堂前

不知何代物蟠結老虬形蒼翠浮霄漢支離養性
靈雲歸迷鶴影雨過帶龍腥幸藉虛中力千秋黛
色青

二弟夫人五十壽誕

蘇臺話別十年餘每倩鱗鴻問起居秀擅閨房為
婦後清安冰壁到官初吳江遠水移歸舫越嶠名
花擁綵輿香閣一編恒在手可知開卷是關雎

身在千巖萬壑間快逢雪月共躋攀綠侵官舍重
重樹青入粧樓面面山老我廿年婚嫁累輸君百

歲唱隨聞何時得比元家婦興慶宮中壓首班

登紫翠亭遠眺

獨上高亭石徑通憑欄爽氣遠排空連山濃淡朝
浮翠落日蒼茫晚漏紅盡室樓臺元相宅滿城煙
樹越王宮探竒好待春回後次第登臨挂短篷

雪後月皎同諸弟登卧龍山因懷羽卿

夜涼天宇靜銀蟾湧樹杪簷頭有雪積照耀光愈
皎老懷頗矍鑠不憚寒威峭相攜仲與季摳衣度
林表巉巖次第登乘興窮深窈古樹勢攫拏夭矯
龍舒爪冰花互閃爍不辨枝柯槁新松恨未長悅

凝翠樓集卷四

二

耳濤聲小瓊琳砌臺閣一望青山老俯瞰閭闔間
鱗次銀光繞恍若雲鋪海雪浪排瑤島浩渺誠大
觀清游洵幽悄披蓊探竒石擬把蒼苔掃鐫題捫
舊跡點劃存微眇漫漶黃絹詞僅見貞元草山頂有石
壁刻字剥落惟貞元年月依稀可辨因憶元微之詩誇州宅好星移
物換後妙景無從考惟餘風月閑千載長清漱憑
弔感慨生笑語驚宿鳥念我咏雪人對月應懊惱
今夜梅花邊新詩可脫稿安得剡曲舟相遇山陰
道倡酬煙靄中坐看東方晚

龍湫

絕壁斷巒塵苔痕繡色新已邀雲作伴還倚竹爲
隣颯鼠綠喬木山鷄宿菴菴桃源何用覓即此可
逃秦

署中送弘導歸家度歲

促坐圍爐笑語狂煙嵐卷盡正斜陽衝寒驛路探
梅早載月歸航趁夜長白雪新篇非佔畢青羶舊
物是行裝筆端攜得江山秀好助椒花頌句香

禹陵

明德高蒼昊神功邁大庭懷襄方盡力胼胝極勞
形草木開蒙昧龍蛇滌穢腥鑄金九土貢誌怪八

凝翠樓集卷四

三

荒經蒼水先呈簡防風後至刑相傳弓劒棄此地
隧泉高萬古還祠廟千秋共薦馨璧牲前代典碑
板歷朝銘深殿從羣后空山走百靈舊聞雲罕駐
今見翠華停心法傳河洛天章煥日星殊恩霑後
裔異數出明廷肅穆瞻新像登臨泊小舸城垣辭
鏤琢戶牖炯丹青莫覓藏書穴徒看窻石亭蘿長
颯窳跡松老鶴修翎衆水環襟帶諸峰列障屏橋
山同故事寂寞對林扃

遊吼山

向聞山水奇天造非人工豈知人力鑿正與鬼斧

尚伐石無歲年山腹成嵌空上作函蓋形下爲積
水澗數丈畱一柱意欲支懸穹闌然洞壑開窈然
戶牖通我來好探奇鼓棹行其中延緣度曲蕩
瀆穿玲瓏仰視峭壁高石梁垂飛虹潭深不可測
恐爲蛟所宮稚子戲相呼聲應如雷洪陽崖更精
舍松竹隱房櫳登臨有躋攀佳趣領無窮

隣女幼歸儒家因壻無藉淪於旗下聞而

有感

曾向隣居共絳紗裁雲詠絮鬪芳華香沾繡帙同
分線春暖粧臺互送花漫說羅敷原有壻可憐蔡

凝翠樓集卷四

四

琰竟無家於今辮髮雙垂珥紫塞斜陽泣暮笳

癸酉仲春長女忌日聞殿文移居有感而

賦

傷心瞥眼一年餘鬢髮愁添白雪如夢境轉思歡
聚後悲來還似別離初香消課女描花譜塵積教
兒認字書腸斷半生蚕伏繭不堪重到問新居

羽卿攜子就學儼居舍下喜作

白首欣相聚羣雛恰少年書應窺二酉教合賴三

遷蛾術師資切熊丸母訓專逆風聞老桂

羽卿家有古桂花時

香聞數里飲露傲秋蟬酒愧墻頭送

余家素能釀今歲盡覆頗辜良夜

詩憑

婢口聯焚香登小閣玩月度前川車轄投何必郵
筒寄可捐倡酬元合調貧病又相憐世事看棋局
胸懷托紙箋惜花移檻坐聽雨對牀眠舊事參差
記新詞陸續編從茲快遊賞秉燭興懸懸

感病

老態隨人笑拙迂賞心無復舊歡娛詩慵脫稿因
心病字不成書爲眼枯坐久氣凝須散步行時痺
弱又思扶可憐意興銷磨盡剩有恩仇忘得無

就醫到縣

破山山下前行藥梅月松風伴曉鐘今日就醫重

凝翠樓集卷四

五

放棹一年強半病愁中

草徑雷鳴聚暗蚊寒螢絡緯不堪聞粉墻畱得蕭

疎影蒼翠亭亭賴此君

槐陰月轉小樓西獨臥迴廊靜掩扉却憶庭前小

兒女應參星月祝余歸

時七
夕也

殿文不赴秋闈夜夢亡女感賦

槐樹墜花黃秋風薦鵬鸞豹管文炳蔚龍劍氣騰
躍有僕從婁歸倦羽甘寂寞雖云乏資斧半爲兒
女弱兒嬌膝不離女幼家難托坐使飛騰志株守
類蚕縛哀哉荆布人胡使填溝壑聞之起沈痛五

內如崩鑿夜夢魂歸來冷然到閨閣言笑如平生
似云微苦瘡余前亟持抱夢中自忖度身或在夢
境轉眼恐失却撫摩更詳審歷試信無錯歡然叙
衷曲旋被雞驚覺依然懷抱空飄渺無從索寒蟲
正啁啾殘月穿簾幙心境兩悽絕神慘情緒惡強
爲病軀惜忍淚不敢落

八月十二夜同羽卿坐月適齋前白鶴花
盛開

疎桐篩影露華溥領畧秋光夜向闌薄試輕羅新
浴罷散梳小髻晚粧殘追螢稚子穿花去伴月佳
人倚竹看摘得玉簪香滿袖枕邊芬馥勝沈檀

海壖樓集卷四

六

十三夜觀劇

圍場促坐語生香燭影窺簾夜未央暫別黑甜諶
健在偶憑白甯掃愁長分張賢佞歸稗史描畫妍
媼付樂章絃管聲停星漢轉花西月落曉風涼

十四夜同羽卿月下小酌

秋色平分夜氣清桂香微度晚風輕碧筒瀉滑初
行酒素手分甘旋破橙閒倚月華聞漏轉醉眠花
影看參橫姮娥似妒今宵讌尚斂容光一線明

十六日羽卿攜尊邀余賞桂夜深仍同舟

而返

蕩舟掣榼到花邊
草徑新開破曉煙
奪幟酒壇甘我後
摧鋒筆陣讓君先
花知戀主頻拋點
月解留賓恰放圓
無限依依難遽別
載香仍擬過前川

探春

春回斗柄氣龍蔥
殘雪流澌暖盡融
岸柳未舒新樣綠
江梅欲放舊來紅
林開薄霽催啼鳥
山殷輕雷啓蟄蟲
石罅青青生意動
新苔細草漸成叢

長夏簡羽卿

炎炎長夏苦難過
況復襟懷困折磨
生計田園偏

蠶樓集卷四

七

作累慰情兒女反
爲魔眼花不向風前散
鬢雪何須臘後多
羨殺綠窗吟絮客
侍親教子樂如何

重陽前三日同弘導晉三登越署翼龍亭

晚眺

蕭閒官舍靜如僧
聊向龍山試一登
索醉遠無唐墅蟹
擷鮮近有鏡湖菱
墮堦紅燦新飛葉
繞樹黃深舊附藤
莫畏釀寒風信早
晚嵐浮翠正騰騰

不寐

風吹葉响夢難成
衙鼓遙聽打四更
窗白已知林月上
炬紅旋見燭花傾
近倉鼠飽膏梁厭
度塞鴻

悲霜露清無限人間不平事偏能感動此時情

越州歸途次有感

淒淒風雨度江津不是來時喜氣新黃葉飄搖催
過客青山黯淡送歸人官評自守陽城拙宦橐誰
憐陸績貧此日蕭然還故里并無琴鶴可隨身

羽卿五十初度

少小相逢比玉溫又看玄鬢點霜痕輕身每學餐
松實求道常思斲杞根明月三更梅繞屋濃香十
里桂當軒滄桑舊事還堪憶夜燭花傾好共論

念弘導病

凝齋樓集卷四

八

支離春夏損眠餐吟嘯依然強作歡症在服參求
不易病宜戒氣避偏難久辭酒盞神情索近得詩
筒語句酸何日鱗鴻傳好信開械一笑報平安

窗外竹中有雙鳥每曉啼不休卧聽口占

曉色動清寒蕉窗映深綠暗處蚊聚雷雕梁燕猶
宿菅騰睡未醒好鳥啼修竹一雙如應和百轉相
連屬喞晰語不休間關斷還續輕圓珠走盤滑脆
簷鳴玉悅耳多妍音遠勝絲與肉夢醒來枕上喚
我華胥熟池塘喧鼓吹殊笑蛙聲俗何似隔花聞

朝朝聽不足

秋日憲尹弟新居看桂因悼弘導弟

憶昔城南居綠陰三徑關老屋遶叢桂清芬蔽几
席諸昆竝少年飛揚氣無敵每逢花發時讌賞連
朝夕歌凝雲不流杯泛光浮珀那知樂未央轉盼
成陳跡荏苒三十年滄桑歎屢易同時花底人半
爲泉下客存者若參商浮踪易睽隔意興日蕭條
筋骨迥非昔隨肩老昆弟衰病強相迫藥裹倒囊
篋經年廢餐食仲弟復解組清風攜兩掖買山徒
有心卜宅竟無力誅茅一畝宮花木頗幽寂庭前
桂幾株窗後竹千尺琴尊容嘯傲翰墨羅四壁司
馬念饑寒趙禮同肥瘠佳時或勸酬覓句填笊匹
吁嗟困沈綿此樂那可得秋深霜露來雁影竟凋
一回首脊令原心摧淚沾臆朝來樹生香金粟破
珠粒傷哉苦吟人何由過雙屐生平嗜杯勺安得
共涓滴照眼慘無歡相對話悽惻俛仰曩時遊恍
在華胥國深惟老子言彭殤同瞬息世無千歲人
何必重戚戚秉燭豈爲過寸陰良可惜隨宜寄觴
詠即意尋所適追樂當及時無爲造化抑

弘弟亡後弟婦寄惠案頭遺玩對之傷心

因題短句

透分珍玩餉蕭齋開盒那禁淚滿腮磁碧曾看淪
刹茗香清猶記撥殘灰澤畱翰墨思題句潤染尊
罇憶泛醅腸斷雁行風散後從今無復報書來

初冬二日憲尹齋看菊同晉三

去官風味似陶家恰對東籬寂寞花素豔照人仍
對酒甘芳漬水正宜茶老惟叙舊傷懷易醉可忘
憂笑口賒促坐不知更漏永頻挑絳蠟向窗紗

簡堂師七十壽

曩歲師半百叙舊曾致辭荏苒二十年回思能幾
時一卷貝葉中日月頻改移加餐方健在神明未

鬢樓集卷四

十

渠衰吾母十年長夙昔情最宜過從折輩行宛如
頃與箎語及設悅辰相去無多違

師誕爲十二月三日
與吾母僅後二日耳戲

謂余八十子亦屆古稀兩家舉壽觴先後相追隨
斯言竟空傳蒲柳久已摧師今躋大年故人那復
知中歲悟淨因蕭然披素緇已據龍象席卓爲人
大師一切夢幻影虛空碎琉璃猶有生平心耿耿
不能遺語次及吾母貌悴神爲悽慚余薄祐人孤
露靡瞻依見師轉憶母喜至還含悲半生塵累纏
煩惱不得離願求摩尼珠一照濁水泥何以爲師

祝月在青松枝

暮春羽卿別去悵然懷之簡寄
少小心期縞紵殷白頭踪跡轉如雲望衡空有千
秋約乞水漸無一勺分別思強排偏作惡老懷易
感在離羣那堪飛絮斜陽裏纔送春歸又送君

春暮

花事闌珊春又過琴書寂寞自摩娑
翻堆剩蕊畱紅藥出水新香點綠荷
兒女漸分行樂少親知偶聚話窮多
芳時強作尋歡計足痺頭風奈老何

夏日題所居

銷夏渾無事柴門盡日關倦拋書卷
卧閑把藥畦

凝臺樓集卷四

十一

冥頑
刪綠借隣家樹青分郭外山蕭疎遺俗慮差可適

海上觀潮及出日

我家滄海濱十里盡東岸潮來與日出耳聞目未
看秋晴動奇懷一葦指浩瀚艤棹借田家甫至日
已旰棲息菰煙裏鼓火且炊爨少間明月起清輝
可耽玩天宇浩無涯長空懸鏡爛光景固自佳尚
未窮壯觀茅檐斲假寐輾轉夜過半隱隱天鷄鳴
早潮發將旦亟起肩輿行未至勢已悍喧訇震雷
鼓澎湃落銀漢噴薄六鰲傾奔騰萬馬散自然應

噓噲不知誰輸灌混混乾坤浮望洋默驚歎空潤
風露重袖薄衣裳換蕭然坐荒野昏黑那復辨俄
頃天水際一線紅光綻燭龍漸吐珠滉漾鯨波燦
幽陰豁然開萬象自昭煥瞳矐火輪捧倒影金柱
貫朝霞相破碎倏忽生變幻玲瓏玻璃塔層層雲
間斷奇觀得未有撫掌口難讚可怪罔利者水宿
如鳧雁性命等鴻毛衝波畧無憚我生苦跼蹐眼
不越里閭海山多夢遊覺後增悵惋異境懷自昔
賈勇得今段安得踵徐生乘桴遊汗漫

戊寅季春余六十初度憲尹枉過用甲戌

蠶樓集卷四

十二

舊韻畱題奉和三首

短棹重過啓萼扉却怜樗櫟易成圍牛衣相對嗟
誰在雁陣羣分歎影稀新竹尚依尊酒綠落花還
傍鏡奩飛定須十日追歡飲莫便輕歌緩緩歸

新詞感舊八行斜手錄翻嫌墨似鴉貧欲點金無
藥術老思服玉少丹芽眉愁不復生黃色眼病偏
多見黑花兒女喧嗽頻遶膝空憐跼蹐井中蛙

帶水休嗟踪跡疎故園松菊尚如初畱髡不用愁
無酒彈鋏何勞歎有魚破悶扶鑿移圃樹消閑作
札借隣書曆頭檢盡知衰甚校量憑人笑橐虛

作詩後憶弘道當年亦有和章今則已矣
復用前韻悼之

長年作客別荆扉一入愁城孰解圍紫樹花憐分
後弱黃臺瓜痛摘來稀書籤零落螢乾死總帳淒
涼蝠暗飛華表千年那可待吹笙還望月中歸
筆牀硯匣任橫斜翻案誰來弄墨鴉常望藍田還
有種那堪枯樹竟無芽功名過眼同飛絮婚嫁勞
心總幻花憤憤報施真不解公私何處問鳴蛙
休言落托往還疎至性論交久若初古寺有雷轟
斷碣監河無水潤枯魚纂抄空富王筠本散失誰
傳蔡琰書咕嗶半生徒碌碌穿天出月總成虛

凝翠樓集卷四

七

對月有感

少小耽玩月午夜行花西顧瞻饒幽興獨坐常聞
鷄長年守蓬華古樹蔽中閨從隙窺皓魄似隔雲
山迷迴風偶蕩漾篩影亂瓊瑤見之輒心喜恍逢
仙舞霓垂老得所愜藥圃開新畦蟾光鎮長滿清
曠無纖豎徘徊詎忍宿旋繞鵲不棲盤桓意頗適
其如風露淒晨興頭目眩體束如排擠朦騰若病
酒偃卧簾幃低空望銀河迥寂寥竊藥妻何能倚
欄檻吟嘯分詩題猶記湖上月挈伴踏長堤遂探

六一泉煙霧幕前溪更憶石嶒月兩兩同攀躋煮
茗敲石火笑語驚鳥啼奈何一轉眼人事日相睽
此樂諒已矣念之心酸悽

芝塘候潮因憶亡女

水淺舟膠日半斜扣舷閑望似天涯煙深竹塢鳩
呼雨潮落蘆根蟹帶沙愁緒縈纏同蔓草年華衰
謝感殘花劇怜弱女常同泊相對蓬窗數晚鴉

銅井看桂感賦

每歲蠟雙屐欲探西山桂巾箱攜蠹簡瓶盞儲醢
豉瑣碎及薪炭鐺爐收茗器詎謂登眺緣領受良

疊樓集卷四

十四

不易輒為俗事阻對花但長喟今秋花較晚脫帽
重陽試客中偶流目復動招隱志乘興泛輕舟行
李不遑計迎橈稻穗香傍檝蘆花細漁歌雜菱吧
出沒煙波際推篷懷抱開一洗塵氛翳却訝囊底
空齏鹽無一置酒盡市難賒粟完釜莫繼不憚飢
腸鳴惟思衆香醉信宿始至止眼鼻謂得遂何當
甫登臨翦摘已委地蕭條千樹空堆積萬葉萃提
攜及負擔趨走紛童婢璀璨充圓方氤氳溢塵市
唱籌算錙銖狼籍等糠粃却憐金粟天翻為若輩
利琵琶紫臺恨羅襪蜀棧淚往往及摧殘香色竟

爲累對之神氣奪惋惜夜無寐從來坎壈人自乏
如意事扁舟興豈闌更約梅花至

楓林閑步偶憇山家適羽卿先在因座有
生客竟避不出歸後見羽卿戲題紅葉
乃知覲面相左豈瀟灑如羽卿猶作此
世俗態一笑簡之

勝遊興頗合濟勝笑無侶徘徊紅葉中獨對山靈
語

同行三數人本屬煙霞侶何妨一相見班荆殊可
語

蠶樓集卷四

五

雲龍願相逐驅蛭翻失侶白眼看世人片石聊堪
語

同荃紈二女遊湖上自戊辰春至此已三
過矣

兩度春湖覽勝行今來更泛畫橈輕清流碧巘如
西子一笑重看倍眼明
西湖書院岳墳傍門外斜臨十錦塘蚤晚披衣坐
亭子玻瓈千頃看湖光

六橋車馬踏芳塵嫩柳天桃最可人不似當年遭
劫火牧兒打草析爲薪

圖畫流傳十景誇新來卜築湯雲霞金鋪銀榜看
題署處處春風待翠華

爲愛湖山發興前攜兒作伴好流連登臨景物差
強昔只有吾衰異往年
吟風何必謝家才客路扶攜笑語陪纔歇紅船還
顧轡傍人只說進香來

收藏鮭菜貯瓶瓷藥餌隨身也不辭風雨無聊搜
舊篋偶然攜得白蘇詩
十里湖山錦繡窩物尤其奈繫情何扁舟莫訝來
頻數百遍相過未是多

凝翠樓集卷四

天竺

勝地三天竺慈悲古道場僧歸松徑遠佛住竹林
長雲壑傳清磬煙蘿引妙香布金隨願力裙屐往
來忙

靈隱寺

莊嚴寶界涌金容澗復岡迴翠靄重講樹千年巢
海鶴法堂八部擁天龍廚邊泉引通諸壑門外屏
開照一峰行過石橋塵世隔白雲深處忽聞鐘

冷泉亭

泉聲簷檻外林壑杳然深人世熱何處我來清到

心青松凝石氣白日礙峰陰一自樂天記山光寒
至今

渡錢塘

越山遙指翠微痕重到西陵問渡喧近北岸移高
浪濶向南沙積淺波渾日斜風急千颿亂雪擁潮
來萬馬奔頭白扁舟綠底事中流掀簸默驚魂
中忽逢潮來停舟
波迎候頗有戒心

望府山鎮越亭有感

不見龍山已數年憑高指點屬雲煙萬株松栝臨
城外百尺亭臺出樹顛顧我舊遊蓬島夢何人今

凝翠樓集卷四

十七

占翠微天仙都樓閣原傳舍重對清暉一惘然

竹筏

巨竹編來可當舟一人牽挽自安流不須待得樵
風便來往溪灘任兩頭

淺瀨深沙一葦移載輕殊覺此君宜餘皇萬斛休
嘲笑適用通行各有時

山陰道中

出郭忘遠近十里清陰中川陸互回復延緣遂無
窮岡巒去昧勢竹樹交成叢安知蒙密處下有溪
流通石橋路可尋一轉迷西東烟空人不見寂寂

山花紅

行行轉深迥所得益幽奇萬壑與千巖今來始見
之紛紛紅復碧相引呈異姿心目所應接人各領
其私煙縷出叢薄山家住茅茨人世杳然隔何殊
太古時

溪流遶巉岩一葦去不息沙瀨清且淺水底見竹
色文石無歲年山根浸歷歷谷鳥鳴轉幽溯洄安
所極水花愛明淨絕境杳難即可有浣紗人一笑
似相識

蘭亭

輦樓集卷四

六

昔我來蘭亭停車問荒原一椽立榛莽虛豁無籬
樊今我來蘭亭艤棹望修門結構若雲湧朱甍炯
欄軒世事有往復俛仰難具論昔人觴詠地乃受
朝廷恩專官任修舉所司咸駿奔披圖按陳蹟疏
築費已煩精舍可修禊清池堪汎尊峩峩三大碑
揮翰出 至尊卓立儼雲漢仰瞻垂露痕別館安
遺像眉宇風流存右軍如有知千載應歸魂更訪
天章寺鐘梵自朝昏崇山修竹間魚鳥空飛翻我
欲問興廢相對已忘言

詠合色荷花次韻

亭亭本是絕塵姿，幻出凝酥與畫脂。懶髓畱痕醫
鄧後，猩袍拭汗試何時。香沾額粉勻粧嬾，紅印腮
渦歆枕遲。自是貝多千葉種，天機雲錦豔新詩。
翠羽凌波媚影斜，仙家豈獨有奇葩。香流珠露交
駢葉，豔奪丹鉛鬪幻花。錯認紅雲籠淡月，旋疑白
雪帶殘霞。徐娘何事輕儂甚，半面粧成故自誇。

憂歲二十韻

立錐頗有地，負更勝無錐。儲蓄常懸磬，徵求日歛
箕。一身如桎梏，終歲祇憂危。占驗皆成妄，陰陽總
莫窺。雨多禾長耳，晴久豈爲萁。臘雪徒盈尺，春蟲

蠶樓集卷四

十九

愈蔓滋良苗，何蹇厄播種。枉辛疲，嚙管青螟細食
根。土蠋孳抽分，推颶毋掠剩。有雲師原野，惟荒草
鄉閭。或斷炊，凌冬猶霹靂。隨電下水澌，不但饑寒
迫。還愁氛，侵隨蕭條空旅巷。憔悴歎孤嫠，八口嗷
安待。三秋望竟虧，薄收仍價賤。豐稔亦民饑，饘粥
心能遣。公私計莫支，傾囊歸典質。宛肉飽奸欺，國
課依然誤。殘黎實可悲，無衣甘忍凍。諱病怯酬醫，
老弱將填壑。何能一展眉。

邀羽卿不至却寄

衰晚畏岑寂，意興多酸悲。新愁與舊恨，羅列填胸

脾無聊輒偃卧二豎即潛窺惟藉素心人清談時
解頤所苦有家累去住無定期猶憶君昔者好言
曾見貽願得畢婚嫁老景常相依逢花香共賞對
月酒同持荏苒至於今斯語或庶幾奈何轉束縛
有若蚕縈絲連朝走信使望君慰渴飢三喚不一
應閉關守蓬藜忽然不相顧於何展心眉爲人意
已疎自爲計亦非老更念兒孫應無解脫時息壤
猶在耳願君還三思

雨中至勝蓮菴呈密大師

古刹珠宮一徑斜悠然鐘磬梵王家莫嫌沾灑香

凝翠樓集卷四

二

塵遍此是諸天正雨花

志凝翠樓詩集後

右集四卷先六世祖姑著先冰菴公鈺祖姑裔孫
常熟朱蘊輝茂才璞藏其板鄉居宵僻人罕知者
今歲春月始荷狄仁甫姻家嘉麟箋札四出代訪
得之稽是板雕竣當康熙戊子去茲幾二百年而
完好精善若新出剞劂氏手或云紅梨之性堅韌
耐久故少蟲爛然髮寇一劫文書蕩盡祖姑斯集
獨存非神物護持奚脩而獲此哉若冰菴公之情
敦姊弟彙錄遺墨朱氏之珍守佳槧狄君之畢力
蒐訪俾我後人藉窺祖姑之藻翰於弗朽者善何

書後

一

如也幸何如也祖姑姓王氏諱慧字蘭韞太倉人
譜云適常熟諸生朱雲集字方來狄君曰即蘊輝
八世祖其文學義行具詳蘇州府志列女傳十六
太倉州藝文志 國朝別裁集小傳暨東江先生
冰菴公序跋不敢贅一詞 光緒丁酉夏假板印竣太倉六世姪孫壽慈謹誌

今歲春日

同邑後學狄嘉麟填諱

常熟朱蘊輝茂才璞藏其板鄉居宵僻人罕知者

今歲春月始荷狄仁甫姻家嘉麟箋札四出代訪

志凝翠樓詩集後

余同產女兄弟三人皆知書能吟詠然大雅不羣
尤推長姊蘭韞氏姊幼穎異十餘歲時見先父母
作詩即能屬和有清新之句稍長勤於女紅未獲
多讀古名家詩集然間一瀏覽輒能得其大意或
與余輩遊戲柔翰拈題分韻姊所作往往擅場大
要結體清真運筆蒼秀舉止大家絕無閨閣脂粉
氣習亦其天性然也適虞山沛國後有室家之累
筆墨事或不暇以爲所居在唐墅之東百年地僻
殊尠可語適沛國親串中有清河羽卿氏者秀擅
閨房才兼清綺與姊一見即如素心於是鬪墨拈

跋

一

毫此唱彼和暇則相訪別則相憶累月過從言笑
無厭雖尹班之好不是過也其間花晨月夕昔人
所云詩有共賦酒無孤斟庶幾近之故自丙午後
集中篇什大率與清河君贈答者爲多矣生平跡
不踰湘惟蚤歲一渡江至維揚晚數至武林及越
州探西湖南屏蘭亭禹穴之勝並見諸畱題此遊
覽之可考者也或謂古今來女子有才者每薄於
福命以姊之英華吐納定屬上流乃自于歸後操
作拮据枝梧賦役中年稱未亡有風雨飄搖之慮
長年綦縞不獲邀榮翟第似乎所際之不偶然言

家自祖父母以來率不及下壽姊年屆古稀起居
方健子女承顏孫曾繞膝一經足以勤菑畬二頃
足以給糈灑所得亦已多矣而又何欲爲初新城
西樵先生有燃脂集之選廣徵閨秀詩文姊早年
諸作曾爲郵寄採錄最多會先生蚤逝未得成書
爲悵厥後篇什益富閉置篋行未敢質諸通人惟
汲園叔見而歎賞之殘緝渝墨久而不無散佚已
卯冬掇拾前後存稿得數百篇屬汲園叔選定時
叔疾寢劇披帙甚喜病中朱黃塗乙點勘極細共
選三百餘首釐爲四卷論次甫畢而叔已不起今
手其稿遺筆宛然亦可爲悲感也茲又數年念一
生苦心不忍終棄因付剞劂而余爲粗識其梗槩
於卷末云

康熙戊子且月弟吉武謹跋

200

